

列  
朝  
詩  
集

列朝詩集

甲集第二十二

林膳部鴻一百八首

浦舍人源三十六首

黃廣文玄六首

周祠部玄二十七首

林徵士敏一十六首

趙趙六首

唐副使泰四首

陳伯康二首

林膳部鴻

鴻字子羽福清人少任俠不羈讀書能強記洪武初以人才薦授將樂儒學訓導居七年拜膳部員外郎高皇帝臨軒試龍池春曉孤雁二詩一日名動京師是時年未四十性脫落不善仕遂自免歸三山周玄黃玄皆師事鴻所謂二玄也凡閩人言詩者皆本鴻林敏陳仲宏鄭關林伯璟張友謙趙迪諸人皆鴻之弟子

感秋二首

陽精自東生陰魄復西沒兩曜無停機萬古一趨忽方平笑麻姑綠鬢已成雪誰識青精松嶠根向溟渤

四時互相竭兩曜無停軸夏炎方滿盈秋氣忽已肅空闈有佳人十載常  
獨宿中心豈不貞處闇誰見燭願爲明月珠流光照君屋

無諸釣龍臺懷古 三首

無諸背建國赤土疏王封築臺青冥上垂釣滄江龍乘龍去不返千載如  
飛蓬只今荒臺上寂歷多遺蹤我有太古懷來吟江上峯天青海氣滅地  
古寒烟濃潭水綠萬丈秋岑碧千重登臨未能已落日催孤鍾

甌閩古夷服無諸懷英雄秦鹿旣已死却辭隆準翁組練照海色旌旗來  
故宮赫矣茅土業大哉開闢功事往滄海變龍飛霸圖空昔日釣龍臺空  
餘江水中桂殿苔色古空陵雲氣紅朝夕卷寒潮隱隱聞雷風登臨畢餘  
景感嘆無終窮

無諸東海上有國初秦先一朝逐秦鹿戈甲相勾連高才已得志論封亦  
徒然歸來築高臺投竿釣蜿蜒屠龍雄折劍拂拭滄洲烟英風振海岳古  
月經鑑天昔人不可見蹤跡復堪憐閑來弄秋水漁情詣清川雲高碧海  
淨日落千山妍莞歌古臺上醉向酒家眠

寄衣曲

漢月結庭樹胡霜拂城樓  
遷人一夜寒深閨始知秋  
起來理征衣纖手一何柔  
雙杵幾不勝寸心未能休  
梧葉下浙浙草蛩閑幽幽  
月明嗟慰意風急復含愁  
白露下蘭心蘭心亦枯槁  
妾家有高臺下有漁陽道  
明發寄征人三把薜蘿草

海上讀書

浮雲薄海色萬里如秋空  
青蒼杳無際鳥嶼蟠蛟龍  
上有讀書者結茅誰與同  
朝飡海上霞夕友滄江翁  
乘桴嗟尼父把釣思任公  
猶慕魯連子不受却秦功  
千金若土壤清名弔高風  
愧予老儒術白首且相從

飲酒

儒生好奇古出口談唐虞  
倘生義皇前所談乃何如  
古人既已死古道存遺書  
一語不能踐萬卷徒空虛  
我願但飲酒不復知其餘  
君看醉鄉人乃在天地初

金雞岩僧室

遠公青蓮宇百尺構雲闕  
一徑入松蘿山泉濯苔髮  
石房彈玉琴清響在林樾  
夜來滄海寒夢遶波上月  
微吟白雲篇高興了未輟  
未能悟聲聞安

得離言說

遊芙蓉峯

密竹不知路渡溪微有蹤懸知石上約定向松間逢物候變黃鳥萑蒲化  
蒙茸相望不可即裊裊霜天鍾

同周秀才玄與東白明遠二上人期宿芝山不至

塵居厭紛擾恒思宿陰岑夙期道門友共茲清夜吟彈冠起新沐微風披  
素襟行行止空門夕景條已沉不見雲中僧虛堂閉烟林應物本無往焉  
知來去心良會既已睽中情一何深詠歸值新月聊復鳴吾琴

經東山別墅

野墅在東山經過感疇昔縱橫醉時墨猶在池上石林氣颯以涼山容淡  
將夕緬懷携手人念念不能釋

寄丘令

海國民俗古清朝民物閑况茲得良牧理人絃誦間吏散日已夕雲歸鳥  
隨還高齋蔭嘉樹橫琴對遠山伊余安蹇劣歸休謝朝班出處賒以途雲  
林近怡顏竑焉仰高風望望心所攀

送湖南歸舟

志士本激烈况當離別情直氣不得發逢  
伏吐商聲浮雲蔽長空驅馬去  
孤城廣川無與梁一葦詎能橫將尋故山  
隱自芟荒草畔露書東高閣龍  
劍日夜鳴行路由正途能使山岳平端居  
息機心卧聞螻蟻爭知君重交  
結臨分吐平生

斬蛇劍

秦氛熾天地大澤蟠蛇蛟潛龍厄初九鹿  
迹方茫然千里送徒人三杯拂  
龍泉紫劍混赤精紅光吐青蓮壯哉三尺  
鋒可以摧金天粉首明月中飲  
血秋風前素靈何嗷嗷老淚醜蛟涎芒碭  
起風雲咸陽若汗烟揮酒六合  
清提挈神氣完始知百鍊鋼永與金刀堅

送尚抱灌往閩南采詩

予生草澤間鼓腹歌唐虞奈何際板蕩奮  
劍當前驅千金酬壯士白璧買  
良姝放浪裘馬間嗜酒縱博蒲市朝既變  
更節曲歸里閭三十始讀書謬  
爲章句儒閉門謝賓從窮巷生寒蕪南山  
既嘯傲擊節聊自娛故人西北  
來將歸滄海隅自言河岳英以俟觀風車  
忽忽僕馬疲寥寥歲云徂積雪

照天地嚴冰寒江湖祖席臨東門欲發仍躊躇贈之五雲章飲以雙玉壺

送黃玄之京

予也風穎悟十五知論文結交皆老蒼稚瓜攀修麟冥心三十年尋源頗知津探玄始有得服膺如獲珍誓將覺後生庶以酬先民干祿鏞水岸歲星七周循青衿二十徒達者唯黃聞三十為禮官制作多迷因前年乞骸歸甘作隱逸倫業窮道豈遷操危氣愈伸持此欲有授二玄乃其人時登烏石山眺遠滄海濱逸興發猿嘯開情投鳥羣既與簪紱疎頗同緝錫隣朝遊必竟夕夜吟常達晨放曠宇宙間外視埃壙身飽對日動爵劔舞風披巾醉來各鳴張揮酒如有神坐或藉青草倦應眠白雲大運送盈虛人事常參辰詎知同心者胡為遽離分于時維孟冬膏車戒征輪借問子何之囊書上成均執手念門友登堂辭老親驅馬西郭門祖帳螺江潯朔風捲行旆木脫波粼粼請為壯士吟庶以憶中勲丈夫志四海况茲觀國賓惜別語刺刺無乃兒女仁壯懷何以贈臨岐解青蘋

終南積翠

終南太古色積翠無冬春陽厓俯荆楚陰壑開函秦碧樹晚未分蒼蒼散

參辰下蟠螫水龍上有避世人有時浮

氣拄笏可攬結安得構精廬談

留別諸子

秋堂闕虛寒晚竹引深翠暝然孤燈坐興

與一壺對天冷霜滿襟露飲月

精巖寺

香刹象天界名僧辭世氛一峯獨凌削衆

壑相氤氳作禮向金仙宴林投

別龍秀才

龍生不羈者愛士能開襟每醉玉壺酒復

爲梁甫吟訪余鏞水陽又將歸

同王六博士宿烟霞觀

昔人煉金鼎此地餘還丹至今風篁鳴猶疑下笙鸞出嶺訪靈異投山宿

遠猶登臨

濕西江雲登閣見千里眇懷滄海瀆山鍾忽播蕩應此悟音聞

故林秋風樽前別落日川上心四郊已蕭條千里無飛禽離思苦難說



天壇一片月色  
千秋松影寒醴泉爲我  
酒丹霞爲我發都無世人夢但  
佇風中翰夫子  
何有意相期此投冠到家  
興未已更取吾琴彈

翠簾山天湖

翠簾高凌天峯麓曠且平何年此蟠龍遂  
成秋水泓呼吸納元氣溟濛變  
陰晴雲雷地中起日月波上生上有空僧  
巢巖栖煉神形寥寥水月觀洞  
見心胸明我昔凌天梯恍若登赤城浮杯  
動松影發笑回天聲從茲便高  
舉永極雲霞情

同王六入西山尋白雲僧

秋山晚蒼蒼引興白雲際方聞出谷鍾未  
返沿源騎躋攀霽心目始到三  
摩地苔色陰際寒松聲靜中細空僧此岩  
棲心寂跡如寄經誦有時閑了  
了見山翠抱琴者誰子夙性貪幽致雲卧  
復何爲水弦寫秋意西峯倏念  
景石榻又假寐身寄孤鶴巢夢如幽蘭氣  
夜分氣候白隱隱月初至陽礪  
澹空明陰林破深遠久懷緇錫躋頗與雲  
山契章甫如可投期君訪靈異

訪玄章師不遇

眞僧駐錫處雲床在西峯應物無所住安  
知來去蹤今來結青瑣又向何

山逢白日無經聲金殿但鳴松懸思永金夕杳靄秋天鍾

道中偶詠

林館夕暫休星駕曉仍發沉沉樹若烟浩浩溪如雪白首倦長途青山笑

子拙

宿黃梅五祖寺

佛祖說法處迥與諸天鄰珠宮歷浩劫桂殿餘真身登攀訪靈異禮謁知  
宿因地遠泉石怪人閑猿鳥馴松杉覆窓戶濕竹清衣巾花雨出深夜天  
香來暮春久知簪組妄思與繼錫親所希慧燈影爲余照迷津

送吳士顯

吳生跌宕人脫略當世事欲識平生心悠悠江海是布衣何飄飄孤劍千  
里至斗酒未及歡看雲起歸思長風吹古城寒石下秋水分手從此辭車  
塵望中起

同鄭二宣江上泛舟

載酒入江色酒多江復長酬來散予纓濯向春流香東壁過疎雨西嶼殘  
夕陽猿禽相嘯叫雲水共清蒼夕景更沈覽客程殊未央魚風葦上起蛙

月波中光管以事泮渙永期名迹忘乘槎予豈必聊復咏滄浪

齋中曉起

颺颺城鴉散藜藜戍鼓絕空庭寂無人衣上有殘月清池盪激罷高韻風中發爽氣山前來吾襟抱冰雪

同諸生登絳月蘭若

金人青蓮宇乃在白雲裏久與名僧期乘閒却來此入門聞經梵絳壁見巾履落磻泉影紅侵廊蘚花紫海天正南豁一望見千里獨樹川上浮孤烟島邊起予生况多暇所性樂山水眞賞非外求真心巢居子

夜宿郡齋水亭呈林八博士

孤琴水亭夕客至罷鳴彈况有樽中醪斟酌之聲情懽濯足向清泚披襟散塵煩仰見海上月兼之天籟寒齋舍何蕭條蓬門若丘樊深竹讀書處百蟲鳴夜殘予懷良已舒爲君咏幽蘭

寄王六校文兼似吳二太守

京師三月春雪飛雪後餘寒添着衣曹官祿薄酒苦貴一飲百錢恆不醉忽然停杯憶鄉里美辭校文最知己作詩判不讓高岑醉後狂吟狂欲死

有時忽得意竟上  
正難山彈琴酌酒送飛鳥心比白雲閑更閑虎頭巖前  
柳拖地龍池溪上  
化滿灣醉歸騎得將軍馬城上烏樓門未關白頭太守  
別來久別後還能  
田憶否詞賦終爲紙上塵功名不及杯中酒芭蕉葉長  
近何如前日人來  
下寄書莫言閩海少飛雁何事秦淮多鯉魚

賦得獨樹

送淮送人之京

君不見秦淮水流  
舉到海淮邊獨樹如車蓋九月微霜赤葉乾枯枝颯颯  
鳴天籟枝上啼鴉  
散曙烟枝頭殘照咽寒蟬離人畱飲停車騎俠客相逢  
掛馬鞭南國高僧  
從此去駐錫雨花臺下路一飯淮邊沈鉢時六時宴坐  
祇園樹野鶴孤雲  
任去還禪心不道別離難山中亦有長松樹待爾青青  
共歲寒

過高逸人別墅

識子何不早見子  
卽傾倒世人意氣不相合顏色雖同心草草子有園林  
東海濱香名滿耳  
人共聞梁鴻避世身不仕孔融愛客家常貧茲晨飲客  
青山墅新壓葡萄  
酒如乳綠樹穿窓烏當罽紅條拂地花能舞醉來興逸  
無不爲投壺擊劔  
仍彈碁人生得意有如此世上悠悠那得知

月夜聞李生彈箏歌

越客本浩蕩秦箏何激揚浮亭子夜月色古一曲萬籟鳴清商初聞楚調  
聲激烈志士報讐思飲血再聞宮音如扣鐘魯生揖讓何雍容清和變調  
有如此俠客聞之心欲死銀甲彈來更嫣然金魚脫却渾輕爾吾聞錦瑟  
五十絃湘靈夜鼓聲淒然遂令帝子剖其半遺音尚有秦人傳秦音楚調  
聲雖異今古由來同一致燕市誰知擊筑心吳門孰識吹簫意今夜君聞  
鼓曲聲百杯不醉壯心橫衆賓枕藉秋衾冷獨倚高梧看月明

經綺岫故宮

行人曉飯青山裏驅馬蒼茫經洛水昔聞綺岫盛繁華不謂荒涼今若此  
憶昔行宮初構時梯岩駕壑相逶迤美人桂殿夜看月公子拓弓朝射麋  
翠華一去金門鎖露殿飛螢山葉墮往事吹殘牧笛風危基半入樵人火  
今古消沉能幾回春風依舊野花開君王巡狩不復見禾黍空山鳥雀哀

賦得無諸城送浦舍人源歸晉陽

君不見昔時無諸城荒丘斷隴今人耕陵谷烟沉知幾代古人精靈竟何  
在憶昔無諸全盛時都城百雉何逶迤連營國步分秦上繪衮王章入漢

儀山河巍巍那可  
恃躍馬屠龍今已矣  
列國猶傳赤帝封  
曲臺尚對滄江水  
滄江水流去不  
還故宮落日不堪看  
寶衣夜化空陵火  
弓劍秋懸古殿  
寒故人西歸從此  
去策馬秋蕪城下  
路欲將陳迹問行人  
落葉紛紛不知處

鐔上送僧歸衡山

上人孤閑似雲鶴  
十五出家住衡岳  
說法能超最上禪  
持心不受羣疑縛  
世上誰知來去蹤  
南窺太華北遊嵩  
納經雁蕩千峯雪  
定入峨眉半夜鐘  
千今戒臘青松古  
猶泛慈航到東土  
楊柳舟中九曲雲  
筓笠上三山雨  
昨夜歸心繞楚天  
西風杖錫又茫然  
化龍瀟畔清秋別  
回雁峯頭舊日禪

林七欽山莊

此君家住涪水西  
喬林夾道緣青溪  
人淳上古大庭世  
客到武陵花處迷  
深杯盡日見山色  
高枕四時聞鳥啼  
籬根稚筍看成竹  
階下飛花踏作泥  
梓柳折來環藥圃  
野泉引得灌蔬畦  
人間鍾鼎口不道  
雨裏田園手自犁  
已沾雞黍遂然諾  
豫愁冠蓋將離睽  
明日却從城市去  
林間相送草萋萋  
巫峽啼猿歌送直  
少府歸四明

巫山巫峽連三巴，猿啼三聲客思家。停舟聽之聲未了，却過青枝猶裊裊。  
野人乍來錦官城，清秋滿峽啼猿聲。黃牛灘上怨楓落，白帝祠前哀月明。  
商聲清冽羽聲亂，倏忽東崖復西澗。久客聞之淚欲乾，壯夫聽此魂亦斷。  
故人歸卧越山雲，憶得啼猿歌送君。扁舟獨宿剡溪夜，月三聲。佳共聞。

寄陳八叅軍

憶昔讀書融水陽，青山影裏開茅堂。結交由來重意氣，使酒或可輕侯王。  
誰言一旦風塵起，故里蕭條半荆杞。立身自許致功名，報國誰能論生死。  
爾時正值胡塵昏，手携俘首懸轅門。春風走馬綠楊道，落日臂鷹秋草原。  
功成期將書幕府，當路忌才棄如土。部曲營殘殺氣消，關山夢醒秋聲苦。  
比來爲儒逢太清，石田蕪沒荒春耕。當時冠蓋半丘土，此日交情結弟兄。  
交游惟君年最高，每以連枝勗我曹。天邊落日見孤雁，海上秋風吹二毛。  
劔水無情入海流，憑將霰淚到炎州。願爲鄉曲牧童子，與子高歌同飯牛。

出塞曲四首

從軍呼延塞勒馬，單于臺天地兵聲合。關河秋色來酬恩，憑玉劔致遠見。  
龍媒日夕邊城上，喧喧笳鼓哀。

玉關秋信早未雪投征衣王者應無敵胡塵不敢飛三河兵氣盛五道羽  
書稀日晚笳聲發將軍射獵歸

驪馬盡弮弓生為北塞雄探兵千里外捉騎萬人中虎帳秋懸月龍旂莫  
颯風歸來領旌節立在未央宮

十五薊門行能探點虜情潛兵秋度磧牧馬夜歸營苦霧沉旗影飛霜濕  
鼓聲昨來承密詔東築受降城

擬唐太和公主和番

粉淚辭丹禁紅顏冒虜塵南天惟有月北地又無春笳鼓凝芳夢軒裾掩  
翠輦年年桃李月淒絕舊官人

題福山寺陳鉉讀書堂

窮經不出戶一室古珠宮燈影秋雲裏書聲又卷中開窻明竹雪散帙落  
松風料得無人到焚香對遠公

春日遊道山亭

危亭臨絕頂勝槩昔曾聞野酌薰花氣閑心狎鳥羣簷前看落日衣上見  
歸雲半醉題詩去仙凡下界分



遊樓雲湖禪室贈日東圭上人得心字

東海到來日西山始布金構雲天路上標月夜湖心問偈逢樵客忘機狎  
野禽寥寥塵想絕相對坐慳陰

留別蔡秀才原

別離無遠近暫去亦傷神正是千山雪誰悲獨往人江空螺女夜花暗冶  
城春不見同遊侶酣歌淚滿巾

塞上逢故人

五陵携手罷疋馬各天涯出塞難爲客逢君似到家後期如夢寐前路正  
風沙只好長安陌垂鞭醉落花

月夜酌別龍秀才

共向孤城別愁爲永夜吟一竿滄海去千里白陽心短髮秋同老清樽月  
共斟冶城多酒伴遲爾寄徽音

江上寄巴東故人

我憶巴東客長爲江上吟楚雲將夜夢湖月空愁心落日青楓樹秋風白  
帝砧遙傳一紙淚讀罷想沾襟

宿雲門寺

龍宮臨水國，鳥道入烟蘿。海曠知天盡，山空見月多。  
鶴歸僧自老，松偃客重過。便欲依禪寂，塵纓可奈何。

送周生往雷州

寧親歸未得，念子復南征。風雨孤舟別，滄波幾日程。  
挂帆辭海國，吹笛上邊城。旅館知相憶，新秋有雁聲。

秋日同韓玄登凌霄臺

故人多逸興，携手上高臺。賦爲閑居作，懷因遠眺開。  
秋陰將日去，雁影帶寒來。歸路瞻衡宇，松門掩綠苔。

送殷秀才之武功

送君遠行役，覲省入西秦。五月暮江水，孤舟去國人。  
蒼山低戍壘，野日暗行塵。無限同遊意，分携淚滿巾。

徵書後呈冶城同志

青門初稅駕，紫陌罷鳴珂。野興看山盡，花時中酒過。  
同心難契闊，失路易蹉跎。又欲羈塵綬，幽期可奈何。

早秋有述寄林八先輩

澤國風雨後貧居離索情亂蛩鳴  
曙輕清冷臺下路携手幾時行  
賭井一葉落秋城薤簞邀涼早荷衣却

夜泊淮陰

泊舟淮水次津樹暗蕭蕭遠火明  
歸潮莫近啼猿處愁多夢更遙  
漁舫長吟倚客簫夜鐘聞古寺寒月照

同陳秀才登虎頭巖

勝槩殊三島層闈敞八風雲霞開玉壘日月迷珠宮鳥道蒼烟外軍城紫  
氣中山河襟帶遠樓觀畫圖雄物候逢秋異登攀與子同憶家滄海闊懷  
古霸圖空地暖初聞雁江寒已落楓振雷隨急雨野日截殘虹歲月空流  
水飄零極轉蓬江湖歸未就此羨漁翁

土屋山天壇

名嶽推玉屋孤標跨杳冥深窺砥柱黑高並太行青分野連三晉風雲萃  
百靈鶴歸松已偃龍去水猶腥竈隱燒丹火龕餘煉髓經羽人金磬動應  
此禮寒星

劍閣秋陰圖

分野秦封盡山川蜀國雄  
塹江流地底劍閣起天中  
棧險崖頻轉蘿深月不通  
飛揚慙白帝開闢憶蚕叢  
氣候三秋異猿聲衆壑同  
棟雲常礙石樹近呼風  
客路隨飛鳥鄉心掛落楓  
茲非曠達士應此泣途窮

逢牛尊師

道逢牛道士把酒醉雲房  
龍問壺中訣人傳肘後方  
久知鳧是鳥更指石爲羊  
遣興聊題翰無言但括囊  
秋星明劍氣夜月釀丹光  
酣飲從傾倒神遊極混茫  
別情波渺渺歸路樹蒼蒼  
又擢扁舟去尋雲到草堂

冬日同林秀才遊衍真觀

蓬島烟霞合琳宮日月開  
洞陰常積雪地古半藏苔  
竹已成龍去人因訪鶴來  
欲飛王令鳥且醉葛洪杯  
煎熟經時換炊香待夢回  
晴光偏悅鳥臙色尚欺梅  
意靜寒泓水心同槁木灰  
鳳笙如可學吹月上瑤臺

重遊宿雲臺憶肅上人

昔日談經處今來獨上慵  
古臺黃葉積斜磴紫苔封  
片月疑禪觀孤雲想化蹤  
夜燈無續火秋院有鳴蛩  
人向題詩竹誰栽出世松  
夕陽無限思幾

杵莫天鐘

輓理上人

雙履歸何處懷師淚滿襟浮雲生滅性明月去來心閱世真如夢安禪不廢吟畱衣分法侶寫偈別朋簪雨鮮侵行跡風泉想梵音一燈寒竹暝雙樹落花深塔閉蟲粘戶巢空鶴避林歷峯山下路從此罷登臨

春日遊東苑應制

長樂鐘鳴玉殿開千官步輦出蓬萊已教旭日催龍馭更借春流泛羽杯堤柳欲眠鶯喚起宮花乍落鳥啣來宸遊好續簫韶奏京國于今有鳳臺

春日陪車駕幸蔣山應制

鍾山月曉樹蒼蒼鳳輦乘春到上方馴鳥不隨天仗散曇花故落御衣香珠林霽雪明山殿玉澗飛泉近苑牆自媿才非枚乘匹也陪巡幸沐恩光

雪夜張尚書籌招飲以事不赴

南宮保直雪晴時凍雀無聲隱竹埤黃酒暫同寒夜飲盍簪深負故人期雲垂絳闕知天近月浸霜簾覺曙遲除却安禪與招隱此身此外欲何爲

題中天樓觀圖

海上仙山接混茫，仙居遠在白雲鄉。樓當太乙星辰近，樹拂勾陳雨露香。  
絳節馭風來阿母，玉簫吹月醉周王。可憐八駿歸來晚，蕭颯城看兩鬢霜。

呈浦舍人

無諸臺下乍秋風，客舍逢君興不窮。性僻共耽詩句險，愁多却仗酒杯空。  
平蕪一騎經吳苑，積雨孤舟夢晉宮。明日又從江上別，曲闌愁倚送飛鴻。

浮亭夜坐懷黃玄之

浮亭孤坐夜燈紅，一倍離憂百感同。春草綠波頻賦別，流年青鏡暗驚蓬。  
也知纓冕皆身外，久憶心知向酒中。此意謾勞題尺牘，都門雪後有歸鴻。

九日登絳月蘭若憶鄭二宣

微霜初下越王城，衰病逢秋也自輕。九日登臨多縱醉，百年感慨獨鍾情。  
斷蟬野寺黃花晚，遠樹江天白雁晴。却憶浮丘炎海上，懶題詩句寄同聲。

浮亭風雨夜集憶鄭二宣

天涯此別意何窮，一片愁心萬里同。明鏡曉霜驚白髮，浮亭秋雨夢青楓。  
書回絕島孤帆遠，門掩寒塘舊業空。說着登臨多感慨，一緘封淚寄南鴻。

過東林雙磻有懷舊遊

曾於此地盡朋簪歲晏重來百感深門掩薄寒初暝雪樹含輕靄欲樓禽  
滄波涉海驚魂夢白髮看山倦嘯吟聞說遠公能館我便投章甫卧東林  
冬夜與高五秀才館林八員外宅

遠別悠悠歎二難多君畱飲故情歡生涯祇合尊前醉功業無勞鏡裏看  
落葉走階風動晚古梅臨水月侵寒何因得似龍門叟野艇終身一釣竿  
與陳八叅軍夜飲話舊

鄉園別後隔烽烟此夕論交意惘然雁引歸心離海國杯斝好月醉霜天  
謀生自愧青雲後話舊多驚白髮前明日豫愁分手處憑君慷慨看龍泉  
寄周一秀才玄兼呈陳八處士炫

薛老峯前夜詠詩若爲別思淒其忝於詞客推前輩久約林僧恐後期  
澤國未霜楓落早山城上月鳥歸遲自慚淺薄非徐穉賴有陳蕃是故知  
海口道上有述懷鄭二宣

露下菰蒲有雁聲曉驂初發宿寒輕新知乍別孤吟倦舊國重來百感生  
黃葉閉門逢野寺白波侵郭見江城家林暫別堪惆悵翻憶浮丘海上行  
將歸冶城畱別陳八炫林六敏

南宮歸後歲蹉跎此日逢君奈別何野館解鞍行客飯寒山對酒故人歌  
蒹葭水國孤鴻度橘柚霜林足馬過爲報已無軒冕夢清冷臺下臥烟蘿

憶龍門高逸人

浮亭露飲玉樽空千里心期此夕同海路想經春草綠越吟愁對夜燈紅  
他山花發鶯啼後別墅春歸積雨中聖代祇今無隱逸不應多病卧孤蓬

畢公房

躋閣攀巖入化城薜蘿高臥寄閑情孤窓上月分燈影亂葉隨風雜磬聲  
麋鹿自知諧野性簪珥何用紉虛名真僧出世心無事戒得冰壺徹底清

謫居寄冶城同志

遠別悠悠泣路岐丹心雖在鬢毛衰阮籍猖狂綠世難叔牙感慨爲心知  
春城久判花前醉野館無由雪後期自愧不如閑草木也承雨露沐恩私

出江蘭若送浦舍人歸晉陽分得衣字

離亭征騎曉駢駢正值關河朔雁飛白髮相看闕海別青山遙送晉陵歸  
江城雨外蓮峯出野寺霜前柿葉稀自愧忘情非上知臨岐唯有一沾衣

寄高逸人



離亭高倡久難酬。明月心期戀舊遊。泛臘酒香頻中聖。流年花發總關愁。  
山園裊露寒梨熟。木國迎霜晚稻收。自愧涇沉向城市。攄情唯有一登樓。  
賦得垂楊送客

客路垂楊最有情。暖風吹綠漸冥冥。雨深煬帝官前見。月落桓伊笛裏聽。  
葉暗乍堪藏乳燕。花飛終恨化浮萍。分携欲折長條贈。愁絕河橋酒幔青。  
歸冶城辱羣公追餞至江心亭

梅風初熟布帆歸。相送勞君到翠微。遠樹啼鶯畱客醉。高林深竹見僧稀。  
江心絕島晴浮出。雨外孤雲濕倦飛。浦漱白鷗如有待。想應知我拂朝衣。  
秋江離思圖

粵城衰柳拂金堤。雨裏秋襟惜解携。客散江亭聞斷雁。酒醒沙館候鳴雞。  
楓橋夜冷吳謳起。笠澤天寒楚望迷。天路雲山從此別。一封愁札爲君題。  
秋夜浦舍人見宿園亭分得天字

南宮飲散動經年。此會騷魂各黯然。霄漢故人誰更在。江潭逐客自堪憐。  
疎燈細雨開秋宴。落葉驚風攪夜眠。歸去晉陵成遠別。好憑陽雁望南天。  
夕陽

抹野銜山影欲收光浮鴉背去悠悠高城半落催鳴角遠浦初沉促繫舟  
幾處闔中關繡戶何人江上倚朱樓淒涼獨有咸陽陌芳草相連萬古愁

送林一歸山中

棟花雨裏醉逢迎南國看山又送行求侶暗驚春草色還家愁逐暮江聲  
殘陽向野聞邊笛遠樹登樓見海城誰念長沙遷謫久懶從季主問君平

晚日杉關

荒苔古道斂微曛馬上笳聲不可聞地自亂離民舍少山當閩楚客程分  
長林積雨寒爲雪深樹孤峯濕作雲愧我舊遊見關吏也將書劔學終軍

寄林一和深字

雨館張燈坐夜深故人相對醉成吟二毛易老慚看鏡四美難并愧盍簪  
澤國曉霜歸候雁懸城春樹變鳴禽賈生尚有長沙謫此日毋勞嘆陸沉

憶浮丘生往交州

旬日陰霖結不開窮居幽草亂侵階也知白髮綠愁長無那青山與愿乖  
行阻看花携濁酒卧聞啼鳥閉虛齋比來况與浮丘别一望南山一愴懷

出京同黃少府宿采石

南宮拜疏許歸休，蘆荻滄江晚繫舟。  
貰酒暫同牛渚詠，曳裾無復鳳臺遊。  
海門白湧潮頭急，烟島紅拖雨脚收。  
不用臨流濯纓袂，此心從此不驚鷗。

新秋浮亭夜集分韻得催字

海國新涼一雁來，衣冠高會壯懷開。  
浮亭夜月樽前滿，古樹秋聲笛裏哀。  
白髮朋遊嗟落魄，青山舊業怨低摧。  
燈殘酒醒還成別，刻漏應愁曉箭催。

寄逸人高漫士

獨倚城南百丈闌，粵鄉秋思浩漫漫。  
平臺樹色催殘照，近郭砧聲報早寒。  
雲物正當搖落後，關河終念別離難。  
龍門別墅今宵月，誰與相同把酒看。

與黃一秀才葦雨夜浮亭小集憶鄭二

香爐燈燼意萬重，與君共憶遠遊蹤。  
尺書不到經春雁，樽酒相逢話夜鐘。  
風動櫟枝翻暗鵲，雨深沙井響鳴蛩。  
自慚淺薄誰招隱，尚掩丘樊學臥龍。

題吳江垂虹橋

雲帆秋晚過垂虹，落日鯨波動遠風。  
欲借仙家遼海鶴，月明吹笛水晶宮。

早行

前山樹暗月朧朧，馬色雞聲共曉風。  
不爲逢秋多感慨，只緣身在別離中。

夢中仙遊

天葩小院敞雲屏，鵲散星河逗客星。欲識別來離思苦，晚峯長學黛眉青。  
將歸海上羣公相送，至龍津。

百尺雲帆掛海霞，勞君相送到天涯。重來應恐清秋晚，落盡清香桂子花。  
宿逆旅聞泉聲

練瀑飛泉作雨聲，樓虛月白旅魂驚。相思不道無歸夢，自是離人夢不成。  
下山尋朱繼

携琴載酒遠尋君，石徑人稀半夕曛。縱醉也須上山去，莫教閒却半床雲。  
題朱舍人爲史太守寫竹

舍人退食寫閒情，公子開械玉雪清。曾向鳳池同夜直，掖垣梧竹總秋聲。  
題鄭昭甫寫張騫乘槎圖

袞袞黃河天上來，茂陵底事望蓬萊。早知轉望乘槎便，虛築通天百尺臺。  
浦舍人源

源字長源，無錫人。洪武中爲晉王府引禮舍人。聞闕人林子羽老于詩學，欲往訪之，而無由以收買書籍，至闕子羽方與其鄉人鄭宣黃玄輩結社。

長源謫之衆請所作初誦數首皆未應至雲邊樹繞巴山色樹裏河流漢  
水聲驚嘆曰吾家詩也子羽遂邀入社因避所居舍之日與唱酬長源卒  
時年才三十有六

贈別沈校書

與君昔相逢花開酒樓醉春風平生車馬願與共何意事變分西東君卧  
東山裏我釣西江曲幾回楓樹夢中青千里桂枝愁處綠飛燕翔鴻徒往  
來音書不寄使人哀返照斜分遠行路浮雲亂繞舊登臺今朝復見蘭陵  
道細雨微烟濕芳草別離惆悵十年多我少朱顏君已老握君手與君吟  
感君知己復知音我將歸去重回首雲海蒼茫情更深

送人之荆門

長江風颺布帆輕西入荆門感客情三國已亡遺舊壘幾家猶在任荒城  
雲邊路遠巴山色樹裏河流漢水聲若過旗亭多買醉不須吊古漫題名

送賈文學入京

春城送別已斜陽花發官亭酒正香遠騎青山江上路新鶯細柳禁中墻  
疎星北闕趨朝早滌月南宮聽漏長誰謂賈生年最少獨能陳策輔君王

寄楊先歸穎上

荒城此日共悽然我欲南征子北遷  
秋雨黃蘆思穎水夕陽紅稻憶吳田  
蕭條客舍蟲聲裏迢遞鄉書雁影邊  
安得重逢一携手別離同話酒尊前

贈別謝秀才

蘭陵陌上喜逢君華館清談酒未醺  
蟲益旅愁秋已半燭欹吟影夜初分  
虛牕葉響風驚雨遠浦潮來水接雲  
良會不知能幾度明朝何事又離羣

送包鶴州東歸

西風江上賦歸休值雨那堪夜泊舟  
官路暝烟迷驛舍郡城寒火出更樓  
到家正及湖田熟在客先驚館樹秋  
遠憶情人相別處短亭孤棹兩悠悠

并州寒食

夢入故園千里遠覺來寒食在并州  
垂楊不是相思樹那得花開便白頭

送王濟民歸盤谷

官亭酒香柳花白下馬持觴送行客  
客歸江上愁更多春水雨中生綠波  
青山遙對楊子渡殘日微明廣陵樹  
渡江酒醒傷別離夜半舟人歌竹枝  
烏啼月落梅天遠驛程已過淮陰縣  
楚鄉菰米飯食魚宵征在鞍宿在車

中原漸近太行麓不知何處通盤谷一逕繁紆萬壑深始知舊宅隱雲林  
昔年泉谷渾無恙猿鶴猶存松桂長遺老家家懷故情相邀難忝話平生  
尊前不問宦遊好只說山中農事早數畝何須負郭田郡中太守正求賢  
知音不肯入城市日逐漁樵向山水江南故人那可逢有書應寄南飛鴻

寄袁二一作鄭沂

長安年少羽林郎騎射翩翩侍武皇弓影醉開孤月滿刀頭新買百金裝  
聽雞曉闕疎星白走馬秋郊細柳黃應募玉門關外去請纓生繫左賢王

送荆南師戶侯移鎮公安

悠悠旌旆碧雲端遠去孤城入亂山淮月上樓人奏角海天低樹雁臨關  
幾家白髮遺民在千里青絲獵騎還舊鎮荆南多勝槩別來惟見畫圖間

阻風清河縣

阻風淮岸憶家山骨肉相親夢寐間冀此一官今獨往江南千里幾時還  
孤村人語秋臨水小縣雞鳴夜掩關明月異鄉誰不見嗟予偏對別離顏

送人還鄉

都門楊柳拂離筵歸路青山水國連三月春陰垂細雨幾家寒食起新煙

聽鶯谷口停行蓋立馬江頭問渡船此去故園應酒熟杏花開遍草堂前  
挽高季迪

鼓罷瑤琴遂解形蕭蕭日影下寒城薄田供祭遺妻子新塚題名望友生  
地下未應消俠氣人間誰肯沒詩名舊廬重過悲聞笛欲賦招魂竟不成

送王二歸山中

闔閭城外斂餘暉水國蒼茫夕鳥微遠火山中人未宿孤舟江上客初歸  
高林葉熟經新雨疎柳春深映舊扉遙想到家無一事閒看見女笑牽衣

西城晚眺

宮柳猶遮舊女牆角聲孤起送斜陽英雄百戰成寥落吳楚平分自渺茫  
寒雁動愁離塞遠暮江流恨入雲長古今天地誰非客何用登臨獨感傷  
林七員外園亭夜飲得河字

都亭分袂惜蹉跎此夕相逢奈若何細雨疎燈聞落葉斷雲高樹見明河  
客踪迢遞天邊雁歸夢微茫海上波鞍馬朝來又成別且傾尊酒一狂歌  
和馬秀才先歸

長安甲第似雲稠冠蓋相望孰解愁宮漏深沉春樹裏禁垣環繞碧山頭



微煙草色迷 征路澹月梨花隱 驛樓聞道馬卿歸 臥病懶攻詞賦客 諸侯

過星軹館

仙館萬山深 鑾輿近駐臨 洞門金鎖闕 垂柳粉墻陰 旌旆移龍影 笙竽過 鳳音小 臣來獨晚向此 一沉吟

春日旅懷

別後猶飄泊 春來倍嘆嗟 花開今日少 人憶故園賒 細雨連山暝 清溪入 郭斜 慈闈在何處 欲望暮雲遮

送丘舍人之邊上

揮金收壯士 解劍贈離羣 數騎臨秋別 孤猿入夜聞 帳寒營滿雪 邊曠野 連雲願出平 胡策歸來報聖君

懷何士信謫西河

全家離故鄉 萬里謫窮荒 草木疎邊境 牛羊繞帳房 風聲連雨雪 漢語雜 氏羌 遠念平生友 行吟淚數行

贈張潁州

迢遞浮淮泗 淒涼過潁州 水陰孤館夕 草色半城秋 才薄慚一事 吟多惜

宦遊不逢張太守那得覽韶韶

和于先生

秋城黃葉下聞笛淚沾衣乍雨千峯出殘陽一鳥歸客貧知己少鄉遠去人稀何事荆南道逢君始可依

題張生舊館

廣陵人去客天涯舊館淒涼閉落花立馬斜陽空洒淚一聲橫笛起鄰家

題趙昌所畫御屏牡丹

綠蕪春雨洛陽城不見名花國已傾影落畫屏何處物斷金殘粉故宮情

酬于秀才

酒醒題詩憶送君殘陽半掩竹間門相思昨夜空齋裏燭滅香爐火尙溫

除夜客懷

火冷空齋夜掩霜明朝新歲在殊方故鄉親老誰相守獨對寒燈泣數行

竹枝詞

紅漆車兒駕白羊吳鹽空洒竹枝香不知羊角如心曲纔聽車輪欲斷腸

寄熙上人

孤愁無處覓高僧欲問楞伽竟不能遙想山中禪定夕半窓殘雪一寒燈

送友人

孤舟春別萬花西雲淡山青水滿溪料得客愁何處是綠陰官舍聽鶯啼

題青山白雲圖

青山欲轉綠溪迴古木春雲掩復開不識桃源在何處但看流水落花來

晚過張林山

名山幾度欲尋幽此日雖來不暇游一棹黃昏過山下疎燈絡緯滿林秋

黃學官玄

玄字玄之候官人其初將樂人也林子羽爲將樂學官玄爲弟子子羽雅重玄嘗爲詩稱青衿二十徒達者惟黃玄及子羽棄官歸玄挈妻孥入閩終身師事之以歲貢入成均授泉州訓導

秋夜聽谷大彈陽春白雪遂歌以贈

昔聞歌白雪未知絃上聲看君彈來秋月下十指如度春風鳴初聞飄飄下天闕亂逐回風氣騷屑來來深樹梅不開散入空林竹應折又如紛紛江上來流音中節渾相催瀟陵一日幾人度刻溪半夜孤舟迴清川帶寒

流野鳥絕繁語少女歌殘葉共飛仙郎唱罷花能舞須臾雪晴風亦迎按絃問君君不知聲殘響絕無所見惟見桐枝秋露垂

北嶺陪殷大夜飲感別

故國秋風見仲宣悲歡都集夜燈前二毛對酒仍堪醉萬里還家祇自憐樹拂斷猿疑峽路月臨征雁夢湘川謾將草木同衰朽未必陽春雨露偏

丹陽道中

五陵爲客久儒服滿塵埃望闕無知己還鄉愧不才山陰殘雨度河廣斷雲開歸去多朋舊春城共酒杯

河上立春

故國幾時別殊鄉今早春青陽開霽雪殘日送歸人漸與雲霄隔空驚歲月新不堪零落處愁淚滿衣巾

題周進士古木清猿圖

昔從錦城來却過愁猿道千崖萬嶂不可聞此中哀怨令人老況是西江秋水來衝波逆折鳴風雷攀蘿涉水苦難度騰枝抱子俱縈迴空林陰陰不知處前驚後呼若相語正當絕險陵天梯攬髯聽來淚如雨君不見猿

叢開國通秦關六龍西幸仍躋攀猿聲鳥道有如此一為長歌行路難

送金秀才之温陵

官亭花發酒初香白馬翩翩大道傍醉客盡隨歌舞散寒川空對別離長  
紫雲洞裏逢秋月赤鯉潭邊度早霜休說故山多少恨軍中吹角斷人腸

詠秋風

目眇洞庭波辭雄楚江宴帝子正愁予羈臣髮先變冷然閭闔生颯爾江  
潭遍隨陽驚塞雁附熱駢巢燕縈迴步雲飛飄拂歌雪轉衣露戒履水絃  
霜愁淚霰蔡文掩悲茄班姬襲團扇淒涼如一宵偏向長門殿

周祠部玄

玄字微之閩縣人與黃玄皆出林鴻之門所謂二玄也永樂中以文學徵  
拜祠部尚書郎玄嘗執書數千卷止長樂高棟家藏十年半紫辭去

揚天謠九首

巨霧吹空南斗死鬼哭如雲學流水桂闌天影白鶴秋兔光斜墜三泉裏  
泉宮暗蟲寒草根土燈燃露絳黃昏鐵心九回滴秋血三十六帝聞俱吞  
帝遣雙童去不返楸梧參差牧馬苑青烟一點吹六龍芙蓉吐光海波淺

西池鵲寒墜靈羽水嘶粼粼凍王母青娥過雲紛玉瑤水簾桃花逗香乳  
紫元雙脊牽黛光顏蒿折玉壽齊長風臺神人鐵作背哭聲酸骨啼秋裳  
綵絲結繩絳秋影身騎白龍勸天醒暗魂斜背南山飛獨立香蟲泣空冷  
魚鱗居次龍堂高琉璃砌空銀爛濤波霧泣訴海若浪腥風卷畫雪灑清  
珠潭沉光瘞神姬瘦蛟啾啾走沙雨仙郎秋袂斑斑啼淚花凝碧扶桑樹  
湘人敲鼓迎二真娃郎茗箱參差塵東風剪雪結綠水半天斜露葡萄春  
竹根沿花鑄明月野墳死草泉幽咽銅龍玉狗關重重東方不高眼穿血  
呼天走馬指千里刺龍血濺秋杯水直欲三澆壯士衣莫教空瘞首花紫  
白烟憂城滴鉛粉鬼燈翳牆星隱隱斜飛敗草濕露光玉門一滴牽秋腸  
商靄參差拾枯骨晚歲沙頭葬明月胡姬爛醉黃金錢敝敝青霜剪歸髮  
玉鱗瑣瑣秦家土鳳凰去天窺寒鼠載得仙橋度玉關誰管秋烟星栩栩  
粉窓綺簾十二家井龍咽火紛栖鴉宮姝禿裏學秋舞背客初珠河影斜  
舊紗銀燈翳椒壁銅鞮秋雲夢中泣石氏珊瑚勸作杯直捲黃河三千尺  
菱蒲泣露鴛鴦浴香墳綺羅作塵土碧玉斜明五五橋藕絲流雲逆行雨  
墮鴉春綠不勝梳掠亂芳風浩無主殺青欲竟吟鬼妬蘇堤已遠波聲苦

白天憂雲漏龍歇九道愁泉土花咽衰蛩粉壁牽暗光殘霞墮溪藤葛涼  
苦烟恨骨埋蒿里哭聲水寒凝不起青屏玉女斷香魂露寒如啼怨秋鬼  
魂清清魄濯濯鳥不號魚不躍紛水神激山樂天亦槌殘地亦推卻提携  
踏青霞九回吊孤月秋臺鄰樹結桐花千年恨血點泉沙鬼燈送客三山  
下黃塵清水扶桑斜

賦得河橋草色送高大歸龍門

江頭微暄水始開河橋一夜春風來傷心宛似畫臺下青青草色青如苔  
二月三月青門道積素浮光不堪掃酒幔烟中蓬却無釣磯水畔看還好  
橋上蕭條人幾家芳洲漠漠楚天涯暝隨斷梗飄寒雨晴逐遊絲映落花  
龍門還家孟諸野清樽惆悵河橋下臨歧盡醉歌送君草上片時駐君馬

答林子山見寄山中

百年心事共悲歡浮世風波夢裏看洛下青山相憶久郢中白雪獨酬難  
將春野路孤鶯乍雨江城半夜寒自愧五陵空學劍侯門誰復識馮驩

寄齋中諸公

滿院飛花積雨晴春深卧病更傷情舊遊白社思陶令歸夢青山憶馬卿

水國烟花孤鳥沒官城柳葉一蟬鳴南州勝事多乘輿羸馬吟鞭倦獨行

謝明府宅觀妓

舞換綠羅衣歌傾白玉卮自矜謝公宅勝似梁園池雲月絃中醉天河曲

外移風流在茲夕誰不道相宜

錢舜舉金碧山水圖

風土隣巴國山河枕蜀城層流九折轉積石七盤橫樹影分螢檻崖光護  
鳥楹絳雲全抹曙紫磴半牽晴礪鹿緣苔卧山猿抱葉行鏡標岩岫合衣  
拂薜蘿輕旅望迷鸞渚仙遊憶鶴京斷金秦谷恨殘粉漢宮情瀟洒浮埃  
跌參差倒景清嶺烟三島暝潭雨百花明桃水真難寫蓬萊獨異各何能  
諧雅興端化沐餘生

小李將軍金碧山水圖

池島疑秦屬雲山似洛疆四圍青嶂合一望綠川長野浦全春樹人家半  
夕陽峯巒看似繡草木訝聞香凍竹漸銀雪寒風落錦霜樓思王粲倚谷  
憶鄭生藏石髮和烟潤林衣泄露光日華初布燉風信未經涼水泛蛟龍  
一居豺虎防魚情空渺漠雁思更微蒸獨浩巢松興多懷碎穀方天台



與蓬島對此永相忘

送曾譯史歸山中

隣霄臺下罷登臨一曲離歌淚滿襟  
芳草懷人頰積夢流年遠別又驚心  
春城雁去餘寒盡野戍花飛暮雨深  
今日遠尋陶令尹青山臥病謝朝簪  
驃騎席上餞別典監鮑公歸長沙

高館涼風送別過膏車秣馬謾蹉跎  
玉壺暫醉將軍酒寶劔新彈俠客歌  
楚水夕陽行處遠官橋春樹夢中多  
王門到日能相憶千里愁心竟若何  
齋居呈陳二高三兼似故人黃玄林敏及從弟

槐葉陰陰楊柳垂高齋獨坐日斜時  
地經積雨多秋竹鳥惜殘花戀故枝  
臥病山城非中酒舊遊洛社總能詩  
相從每過楊雄宅一曲陽春慰所思  
秋詠

南山閉戶絕風塵舊業依依少四鄰  
秋草望中曾獨往野鷗閑裏最相親  
荆門西望迷歸客湘水東流怨逐臣  
榮辱升沉只如此更將心事問何人  
寄王校文

壯遊江海總離居豈料同君歲月疎  
湘水每勞懷舊夢筠陽曾在薦賢書

霜空落葉清砧候天入平蕪白雁初自古長沙文化地聖朝逢掖近何如

溫陵中秋陳大宅後亭觀月

紫英亭前露欲香習家池上夜偏長醉來見月知何處還道清光是故鄉

秦家小慧

小小持金鏡隨粧日幾迴春光能自媚飛燕莫相猜香逕綠花掃寒窓候月開長陪雲雨態學夢楚陽臺

題陳大宅方壺子層層雲樹圖

昔年曾記秦川客雲樹參差去欲迷日暮孤舟行不盡鷓鴣啼過渭城西

寄涵江陳韞玉

南望涵江無盡期蕭條還解憶荆扉相思豈道音書少祇爲春來雁北飛

春日懷海上知己

洛中無負郭渭曲久垂綸偶值唐生笑誰憐蔡澤貧鶯花迷去路萍梗度芳春寥落懷知己臨風淚滿巾

九仙山期海上人不至

久闕東山賞烟蘿欲臥迎金霞尋曉望玉樹候秋期九鯉何曾返三花未

可窺南歸有玄鶴書此報君知

賦秋江離思

女螺江上送征橈祖帳新涼酒易消澤國雁來芳草歇海天人去碧波遙  
寒山古道迷楓葉落日愁心斷柳條聖代只今縫掖貴行看紫鳳上丹霄

林徵士敏

敏字漢孟號瓢所道人林子羽之高弟也王恭有送林漢孟應召詩

留別壺公山人

夙昔負靈異齋沐營丹砂經年竟無成乃知仙路賒爲文何足道說劍徒  
矜誇神情若飄風浮海思乘槎涵江入雲水天影明蒹葭窮源杳莫測石  
瀨仍幾家月從壺山出照見菖蒲花龍吟波上煙鳥散空中霞搖曳鳴吾  
琴蕙心豁天葩夫子乃知音延之飯胡麻塵蹤未洗髓爛熳遊天涯永懷  
靈境迥矯首長吁嗟

晦日稍次山谷

清溪殊險豁石瀨何淙淙尋源竟莫測又復上幾重行處衆壑盡望中天  
影空於焉倏含景水木相玲瓏濕翠翳巾烏片雲起西峯忽忽洞深杳大

圓變溟濛飛湍逗日月  
急雨隨蛟龍洗心投白鳥  
息見湖青松願因紫霞  
秘永諧鸞鶴蹤

夢秋

狐狸泣海月簷隙分斜光  
陰風颯然來萬籟秋茫茫  
寒聲吊落葉遠思悲雁行  
寂歷夢中語神魂亂飛揚  
雲根秋水淨石上秋草長  
逡巡破陰翳白日升扶桑

曉發石竹山卧龍潭

飛軒窅洞碧溪口寒流深  
溪南一峯峻衆壑波上陰  
杉松亂天影水月乃余心  
時節開竺書寂寂空中音  
雜花逗秋思鳴瀑絃素琴  
願垂白鶴影永矣諧幽尋

清源洞作

松栢隘石門清溪垂亂花  
尋源望不極水上流胡麻  
衆壑相崩奔一峯凌斷霞  
昔人煉骨處白石盤陽崖  
至今風雨來猶疑下霓車  
冥心道經秘假寐紫皇家  
授以霹靂文晤言營丹砂

晚次流沙河

湖口寒山蒼芳草猶未歇扁舟諧遠尋曠然向雲闕北風蘆葦鳴白日波  
上沒其時鴻雁來擁棹蛟龍窟送歌滄浪清而乃濯玄髮風氣逗天影蘿  
雨澤人骨石上彈玉琴清響在林樾到家與未已夢遶松際月

春日過高逸人別墅

此地有別墅投閒尋隱淪酌君樽中醪笑我衣上塵石竹拂瑤席野荷清  
角巾雙松駐白日一水流青春盤谷憶李愿鑑湖懷季真古有逸民傳非  
君誰與論

江上送鄭山人

祖帳送離人勞歌暮煙裏暝來江上宿殘日照寒水清尊醉落花孤棹依  
蘆葦雨翳燈影微風兼笛聲起後夜有相思緘書寄雙鯉

天王寺

珠宮隱上方載酒一乘輿雨歇瀑水涼雲歸古松暝忘機野禽仰發詠山  
鬼聽坐對月上時空山響煙磬

登宿雲臺得外字

香刹辭世氛况同野人會寒巖結暝陰古殿藏深翠目恬遠空半興落飛

鳥外日暮借解携相看喀然明

夏夜陪宗兄林八員外雙溪瀟若宴集得夜字

散帙棲鳥時幽尋  
魚精舍天吟風滿巾  
露飲月侵夜爐簾澄遠  
心雲蘿翳長夏回看  
衆壑陰杳竊鐘聲罷

寄山中人王錫

野服逢山客探玄  
輔嗣甥蘇門風外嘯  
盤谷醉中行候館迷  
征雁春城過曉鶯佇  
看花落盡思爾豁吟情

題流紅閣

玉溝澄晚色金屋  
閉秋塵鴛被辭君  
龍蛾看妬妾身掖  
庭霜葉赤永巷露  
苔新欲寫心中事  
含情祇自擲

期宗人林大遊華藏海

巾舄行歌接梵筵  
偶來松下草芊芊  
也知只在秋雲裏  
潭水溪花到處禪

江南意二首

露侵紅粉鏡臺斑  
看黛含愁感遠山  
長在深閨那識路  
秋來夢遶穆陵關  
湘裙剪就茜裙新  
愁裏風光病裏身  
強整釵符隨女伴  
隔簾教喚賣花人

趙迪

趙字景哲閩人俞憲百家詩云山人國初與林鴻齊名湖海耆英集載趙元夕應制詩皇明風雅云宜陽人官吏部侍郎未詳孰是然景哲非山人則明矣

題雨竹

黃陵日已昏蕭瑟涼颺起殘雨掛空江溟濛若千里暝色夕鳥前寒聲暮猿裏應知葉上秋盡入湘潭水

元夕應制

龍樓錫宴月初斜寶炬星分照翠華五夜歌鐘連甲第千門燈火映皇家錦筵人醉飄金縷羅綺春晴散彩霞自是宸游多樂事叨陪幾度賜官花分得九仙觀送劉司務之天官

青山一逕連花竹瑤宮璫館依林麓昔云兄弟九仙人跨鯉成仙巖下宿仙人一去竟不來落葉行跡空蒼苔石牕無人白雲冷藥爐有火芙蓉露春林不辨武陵處陰崖尚憶瑤池路仙樂時聞太乙宮翠會聲起勾陳樹鴉浴池邊日未斜洞門流水秦人家湖光占處知殘雨山色晴中見落花

朝來送君卽傾蓋離筵適與羣仙會仙人吹笙期子來碧桃花下應相待

秋懷

霜滿楓林江上村犬聲籬落護柴門空山落日秋砧暝野渡荒烟晚磬昏  
寂寂寒燈當永夜依依涼月對殘魂羈懷淒切空垂淚又聽前溪起斷猿

晚眺

白雲深處野人家倚仗閑吟日未斜江上數峯看欲盡晚鍾殘月入蘆花

客中元夕

花市銀燈夜向深香風羅綺迴沈沈不知何處笙歌起傳得新愁上客心

唐副使泰

泰字亨仲閩縣人洪武二十七年進士授行人終陝西副使

江上書懷寄周玄林敏

昔年曾共醉蘭舟明月閒情憶舊遊獨客荒村空向暮異鄉多病厭逢秋  
殘烟古戍聞寒笛落日楓林見驛樓爲報別來憔悴甚漫因樽酒一銷憂

過黃玄之山居

半生流落意相見但依依卧病看春盡愁心對客稀砌花飄砌戶畦藥映



大列朝詩集甲二十三  
園屏莫怪頻來此  
滄洲興不違

晚次雪峯寺

微霜落葉度關河  
古寺清秋掩薜蘿  
輕策獨隨飛鳥去  
好山偏向夕陽過  
三花祇苑逢僧少  
獨樹空臺積雨多  
暫盍朋簪耽勝果  
下方塵土易蹉跎

次陳山人隱處

獻春始休沐  
輕策尋幽風  
烟篠不知路  
柴扉隱其中  
雜花覆小礀  
下映流泉紅  
冥心聽喧鳥  
解帶投芳叢  
誰識此嘉遯  
心期黃綺同  
南軒有餘興  
月出鳴絲桐

陳伯康

伯康字仲進長樂人

秋千辭

梨花庭院香飄滿  
架架秋千笑聲軟  
紅粧共鬪青春妍  
長繩欲繫白日短  
掌中飛燕旋風斜  
樓外綠珠墜落花  
素娥弄瑋瑋  
瑋奔竊藥秦女乘鸞初去家  
半空著脚看亦好  
平地失身更顛倒  
人生行樂貪少年  
昔時女伴今皆老  
慵來聽說推看峯  
整頓衣裳爲斂容  
玉樽餘酒醉不得  
月明高架粉墻空

桃膠香鬟歌

深闈美人春睡起，側倚銀臺注秋水。鶻兩鬢霧半垂，欲下犀梳不能理。  
春雲暖雨桃膠香，調蘭抹麝試新粧。豈無膏沐污顏色，思此佳人日斷腸。  
君不見望仙結綺螺千斛，隋家但寫雙蛾綠。白髮宮人奈老何，轉頭依舊  
庭花曲。

列朝詩集

甲集第二十卷

列朝詩集

甲集第二十

趙迪一首

趙迪

登餘干城

荒原落日過重城萬里蒼茫感客情  
柳思雨中和雁斷秋風江上見人行  
風林西入吳江遠海路東分楚水平  
遙望天涯流落日暮雲啼鳥自縱橫

# 列朝詩集

甲集第二十  
補人

董敬士希呂

希呂名渭以字行閩縣人洪武中為諸生兩徵不就  
有雪巢稿

同陳景明林熙綉賦得折梅寄遠

故人別我音塵闕兩見寒梅破香雪  
悵清飛官閣雲相思空斷羅浮月  
去年花落客離家今歲花開天一漚  
水遠山長愁不極思君千里寄梅花  
踟躕欲折傷離思折梅舊是看花處  
身似山中瘦影留魂隨馬上寒香去  
折梅莫折盛開時寄君遙寄未開枝  
到時正及花開日遠道悠悠春信輕

卿布衣迪

迪字公啟閩縣人洪武中布衣

題南澤湖別業詩

家居無四鄰遠屋清湖水潭花與谷  
易相對衡茅底樵唱遠邊聞漁歌錄  
中起麥圃秋既成瓜田且猶理時與  
休芸人同歸竹林裏門閉吏不趨黍  
熟酒還旨自是羲皇民吾當慎終始

朱埤人岐風

岐風字應祥松江人敏於辭翰嘗有詩云嗜酒揚雄甘寂寞忍貧原憲狀  
繁華爲人所稱選袁滂叟在野集何老朗云白然詩故國飄零事已非朱  
改作老女悲來不自知如此不少正蘇長公所謂庸俗人所亂者耶

絕句

江面微風瀉浪開鳥聲啼過釣魚臺  
樓臺故作桃花雨一片陰從柳外來

列朝詩集

甲集第二十二

孫典籍黃 五十七首

李義寧德 二十二首

黃通判哲 十六首

覽潘耒 一首

王給事佐 六首

趙布衣介 二首

孫典籍黃

黃字仲衍南海人黃佐廣州人物傳云黃於書無所不讀為詩文不屬葉  
 元季何真保南海征南將軍廖永忠兵至真求黃作書歸附永忠尋徵黃  
 典郡教洪武三年中進士主虹縣簿一載選入為翰林典籍居三載復外  
 補平原簿以事逮繫有旨輸左校板築蕭牆望都門謳吟為粵聲督工者  
 以聞召至上前陳所作詩皆忠愛語特命釋之十一年罷歸田里十五  
 年除蘇州府經歷二十二年謫戍遼東梅思祖鎮三韓迎置家塾是年以  
 黨禍見殺年五十有六明興雜記云 高皇誅藍玉籍其家有隻字往來  
 皆得罪黃與玉題一畫故殺之臨刑口占云鼙鼓三聲 西山月又斜黃  
 泉無客舍今夜宿誰家 高皇問監殺指揮孫黃死時何語以此詩對

高皇怒曰何不白奏竟殺指揮按鄭曉監土傳云殺詩人孫黃王行而梅  
思祖守雲南未嘗鎮遠東况思祖以十五年十月卒于遼東安得以二十  
二年延賚家塾黃方伯老于詞垣通曉典故不知何以舛誤如此

代友贈別

金蘭結深契厚愛兄弟親歡娛暫相違一日勝九春如何捨我去去逐衝  
路塵行役冒雪霰驅馳極宵晨寒雀思集樹凍池念潛鱗功彼尚有托君  
作歲晚人歲晚風已寒蕭蕭吹車輪征袍弊不補野飯煎亦陳別曲亂無  
腔別酒醉失巡私情豈遽忍欲止知何因落日如銅鉏遠山生紫雲君去  
意惻惻我留涕紛紛王度今清夷世途無荆棘前期慎努力莫用懷苦辛

寄王給事佐

休沐晨幽眺步出鍾阜阿卉木春氣盎淮水揚素波泛泛波上鷗游泳鮮  
羽儀端坐憫此鳥長遊成蹉跎安得理歸櫂翩然解珮珂揚舲過關右鼓  
枻入江沱友于事讌集物候方陽和酌酒南園上與君同

論役蕭牆

係組赴烏臺解佩辭禁地弛刑許輸役獲譴尚承恩  
明宥引咎復



何言平明操板築日沒就微纏寒氣襲敝裘重負頰我肩撫已諒無愧服  
勤思蓋愆息杵入屏城仰瞻東華門祥風拂左纛卿雲護彤軒輦鳳麗羽  
翰飛稜高中天重關起象魏光彩一何鮮百辟羅周行鳴珂翕鏘然臯夔  
儼穆肅董賈來翩翩白日光昭融下照寧有偏微命嗟薄劣獨茲阻周旋

寄琪林黃道士

雨絕天景佳前榮樹光綠遙憐採芝侶遠在春山曲琴歌久已斷酒賦何  
由續有約今夕同開樽掃茅屋

南園歌寄王河東彥舉

昔在越江曲南園抗風軒羣英結詩社盡是詞林仙南園二月千花明當  
門綠柳啼春鶯羣英絡組照江水與余共結滄洲盟滄洲之盟誰最雄王  
郎獨有謫仙風狂歌放浪玉壺缺劇飲淋漓宮錦紅青山日落情未已王  
郎拂袖花前起歡呼小玉彈鳴箏醉倚庭梧按宮徵哀絃泠泠樂向終忽  
看華月少入東裁詩復作夜遊曲銀燭飛光如白虹當時意氣凌寰宇湖  
海詩聲萬人許酒徒散落黃金空獨卧茅簷夜深雨分飛幾載遠離羣歸  
來城市還相親閒來重訪舊遊處蒼烟萬頃波粼粼波粼粼日將夕西風

一葉凌虛舟猶可題詩向青壁

羅浮歌寄洛陽李長史仲脩

亭亭西樵峯宛在南海湄日華麗仙掌影漾金銀池我昔扁舟縱長往凌風浩蕩烟霞想幽尋更欲探神奇復向羅浮事仙賞仙家三十六洞天羅浮真與滄洲連丹霞射影四山靜羣真環珮來翩翩藥珠之峯數千丈君時與我緣蘿上水簾直下飛晴虹萬壑天風流響山中劉郎司玉臺仙書授我琅函開心如明月炯虛照身與浮雲同去來此時會合那能再塵土分飛忽三載我行奏賦登金門君亦乘輅度淮海淮海迢迢烟樹深相思歲晚結愁心晴天萬里碧雲遠何由一寄還山吟山中洞房春寂寂山中之人長歎息松花酒熟人不歸瑤草東風幾回碧

白紵四時詞四首

姑蘇臺上春風和江花亂落江水波交疏楊柳綠參差華筵夜列開綺羅當筵西施間羣娥朱顏為君起微酡自拈紅牙節歌飛花着人思繁多華月耿耿度斜河疎星出河夜欲過烏啼啞啞奈爾何閭門聲路薰風時江尤漱灑芙蓉披翠羽霓旌照洲渚鸞輿出遊初避暑

西施含顰嬌不語羣娥鬪起歌白紵回風舞袖爲君舉歌聲窈窕一何長  
白紵之白白如霜木瓜花紅荔子香東江月出西江光銀壺酒多樂未央  
館娃宮畔風蕭蕭芙蓉隕香楊柳凋銀河影淡烏鵲橋熒熒雙星麗碧霄  
美人微醉臉紅潮楚前舉袖催玉簫舉歌白紵鬪嬌媿越羅楚練風  
此時奉君情欲絕銅龍夜深宮水咽銀床低轉梧桐月  
北風吹江日宛宛江天飛雪簾櫳滿美人臺上鬪腰肢羽觴流霞照華瑋  
筵前西施含醉眼歌停綠水聲欲緩羣娥玉環低欸欸別宿臺前水僊館  
芙蓉帳高錦雲暖儂覺寒宵作那短

南京行

南京自古說豪雄遠勝秦中與洛中吳越千山高拱北巴江一道遠朝東  
秦淮水入丹陽郭北固城連六代宮岌業石頭如踞虎逶迤鍾岳似盤龍  
龍樓鳳閣天中起萬戶千門霄漢裏太乙勾陳紫極通翔鸞舞鶴珠峯峙  
卻日觚稜駕寥廓行空複道侵箕尾仙掌銅盤玉作流靈芝華蓋霞爲綺  
華蓋靈芝粲綺霞御橋金水正當衙五門彩旭朝天仗馳道香風散日華  
細柳千章爭拂地嬌鶯百轉競啼花紫電龍光飛武庫雕甍甲第列侯家

侯家卿相真才彥玉笋蟬聯奉天殿  
 屈宋搗文入石渠韓熙燿武專方面  
 黃閣承恩宣雨露烏臺佛法行霜霰  
 環珮聲清散早朝葡萄酒綠沾春宴  
 春宴春風坐百花歸來里巷關香車  
 金張富貴人爭羨王謝風流世共誇  
 隱約商笳隨赤羽葳蕤大燾狀彤牙  
 盤佗寶枝光前導組絡鳴鑣隘狹斜  
 袂斜西下通三市紫霧紅塵拂天起  
 南陌東廂馬似龍烏衣朱雀人如蟻  
 爭看買珠輕薄兒亦訝探丸游俠子  
 猶懷鳳臺醉李白無復新亭泣周顛  
 井傍美人悲麗華道上行人譚綺綺  
 綺綺臨春總可憐龍河一帶但寒烟  
 天界叢林開象魏冶亭高閣艷神仙  
 神仙盡是蓬瀛侶更畫秦臺玉簫女  
 渺渺青鸞月下來飄飄彩鳳雲中舉  
 別有青樓大道旁烟花萬樹儼成行  
 飛瓊裊裊翠羅袖小玉峨峨紅粉粧  
 小玉飛瓊兩少年清歌妙舞闌嬌妍  
 舞態盤迴芳樹底歌喉宛轉落花前  
 彩雲作雨朝朝合璧月流光夜夜圓  
 朝朝暮暮長如此秋月春花若流亦  
 去歲今年景不殊南來北去人相似  
 生綠羅屏遮上客流蘇帳暖邀公子  
 爛熳三春錦繡城空濛一片笙歌市  
 繁華佳麗樂無邊我獨胡為困一廛  
 已似楊雄棲白屋還如司馬卧文園  
 誰將積業三千牘換取揚州十萬纏  
 桃李風前歌扇底看花騎馬過年年

將進酒

青瑤案上離鸞琴一徽已直千黃金開樽花下對明月欲彈一曲還沉吟  
沉吟沉吟幾低首且彈商聲勸君酒雍門風樹春蕭蕭地下田文骨應朽

蔣陵兒

蔣陵健兒身手捷青年好遊仍好俠錦衣繡帽綵絲囊綠鬢葱龍映朱顏  
春風二月蔣陵西柳暗秦淮花滿堤窈窕金鞍搖日出輕盈紫陌踏花嘶  
佳人紈扇和詩贈上客金瓶帶酒携上客留連正及時佳人妙舞關腰肢  
舞回壁月當空見歌罷楊花似雪飛楊花似雪紛紛落酣醉人前誇浪語  
自然不分揖金張况肯低頭拜衛霍意氣由來凌七貴豪華豈必資三略  
五侯宅裏聽啼鶯廷尉門前彈羅雀楊雄寂寞掩柴扉艸得玄成鬢若絲  
歲歲年年書閣底惟應羨殺蔣陵兒

梁父吟

江水何深深青楓映雲林衡門一杯酒抱膝梁父吟君不見夷吾奮袂投  
南冠故人薦引登君門揚眉吐論下荆楚九合冠裳朝至尊又不見樂生  
徒步從西來燕昭一擁箒調笑黃金臺轅門一日建旌節七十齊城生暮

埃古來英俊人所遇皆有立袖有驪龍珠能令鬼神泣而我獨何爲幽宮  
凍蛟螫荒蘿遶屋秋雨涼山鬼吹燈冷光濕幾欲乘雲朝太清芙蓉縹緲  
白玉京天田角井散飛霧阿香布鼓琅璫鳴星辰可望不可卽手把琅玕  
空復情爲臣自古良獨難我更懷之摧肺肝田疆古冶三猛士昔者虎視  
青齊間誤罹相國二桃計恨血今爲春草斑白頭勳舊且如此何況新知  
無覩顏梁父吟聲正苦日落未落天星黃西園灌木秋楚楚青青千里艸  
如霧兀兀當塗高踞虎長陵百尺空嵯峨夜半山精泣風雨世無女媧五  
色石天柱欲倩何人補荆州水碧岷峨青思美王孫渺何許梁父吟聲苦  
傷歌闌玉壺缺白髮千丈長起坐擊長劍仰天悲流光西歸白日爲誰晚  
東流之水何泱泱青冥黃鵠倘垂翅我亦凌風隨爾翔

短歌行

擊長劍和短歌短歌聲無歡調促情苦多流光莽莽奈老何

牧羊詞

隴羊尾篔簹山虎毛離離願得山虎死隴羊長自肥蒼茫大化良亦苦怪  
底生羊復生虎

蠶婦詞

朝看箔上蠶暮收繭  
上絲絲成給日食不得身上衣  
早知阿家蠶事苦不  
若當初學歌舞

閨中聞子規

交疏日射房櫳曉  
碧樹初聞子規鳥  
驚回殘夢了無歡  
慘切清愁破清悄  
獨宿何曾下繡帷  
寧勞勸我不如歸  
鶯花爛熳江南道  
好向遊人醉處啼

驪山老妓行

補唐天寶遺事戲効白樂天作

秋風楊柳凋金縷  
冷露芙蓉落芳渚  
寒香晚色何所如  
驪山唐姬教坊女  
蛾眉淡掃山遠碧  
蟬鬢半拋雲亂吐  
時粧無復新妖嬈  
曩態猶存舊嬌嫵  
我昨咸陽縱冶遊  
冶遊爛熳遍西州  
青山直抵雙龍闕  
綠水橫過五鳳樓  
南國佳人金錯落  
長安公子玉驕驍  
銀壺送酒青絲絡  
皓齒當進白雪謳  
琵琶橫笛空聒耳  
唐姬搊箏妙無比  
清彈一曲久含羞  
呼喚百迴纔強起  
移柱相參雁成列  
調絃未就人先喜  
俛首斜拖珠步搖  
向人高露春纖指  
樓高韻發響泠泠  
急管悲歌一霎停  
初聽乍如風雨至  
再彈還作鳳凰鳴  
清如玉女鈞天奏  
壯似雕戈出塞聲  
澗水帶冰時哽咽  
春雷震石忽憑陵

憑陵未已旋清悄悄凝聲漸小四座無言俱寂寥餘音已斷猶縈繞  
溶溶宛宛復悠悠切切淒淒還窈窈深閨斷蚓怨寒宵淺谷嬌鶯破春曉  
纏綿萬恨與千愁婉意柔情不肯休蔡琰胡笳悲紫塞班姬團扇掩清秋  
樓前皓月明如練天外行雲凝不流促拍未終南內曲新腔忽過小梁州  
梁州一摺月向午唐姬此時心獨苦銀甲悲深不忍彈衷腸斷盡無由語  
低籠翠袖搵香淚翻便歡娛變淒楚訴盡平生富與貧可憐人世今成古  
憶昔開元正太平兒家生長在天京十三學舞曾驚座十四搊箏能擅名  
玉貌羞花長窈窕宮腰怯柳更輕盈春寒不離鴛鴦枕日晏方開孔雀屏  
五陵年少秦川客爭愛兒家好顏色帶雨尤雲最惱人追歡買笑寧論直  
聲名每出流輩上風致獨覺有人惜承恩況得登掖庭宛轉隨龍侍君側  
海晏河清久息兵四夷賓貢盡充庭炎方已見來丹荔交趾還聞進雪鷄  
耀日香車連紫陌飛雲畫棟列朱甍空濛一片笙歌海浩蕩三春錦繡城  
驪山山上多樓閣萬戶千門通碧落大駕深居在九重四時多暇惟行樂  
已管連昌勝結綺復起芳鳳齊花萼壺飛玉女遞更籌舟戲金龍動鱗角  
侍臣傳勅選嬌容特許兒家步輦從宮扇影移花雨外山呼聲沸錦雲中



千株火樹爭明月萬炬金蓮鬪彩虹子夜歌詞翻白雪霓裳舞隊散旋風  
歌停舞歇徘徊久銀箏獨進纖纖手明眸麗質一宮前含顰美人俱在後  
數聲清響動絃索八面涼風生戶牖豔曲新裁萼綠華中官催賜葡萄酒  
年年秋月復春花多在宮中少在家嬌笑不愁宮監怒豔粧長得阿姨誇  
朝遊複道瞻天表夜步西廂拜月牙鬪草經春陪號國藏閨竟夕伴昭華  
韶光忽逐流年轉野鹿嘶花上林苑鐵騎東來鳳闕空金根西狩蛾眉遠  
上方無復聽宣召新籍寧辭避差遣約臂金環雨雪寬凌波錦被風埃塞  
星移物換得無情復向驪山悄地行紫禁無人芳艸合瑤堦雨過綠苔生  
歌臺索寞花千樹舞榭蒼涼月半樵繡閣秋陰連瑣闥銅仙清淚落金尊  
高梧墮翠蓮飄玉太乙勾陳看不足百子樓寒霧影昏長生殿古烟光綠  
宮牆瓦落見蒿萊輦路塵生走麋鹿舞馬雕床惱夢思花奴羯鼓驚心目  
故宅新人作宴遊內家紅錦列纏頭珠簾繡柱俄成夢鳳管龍笙總是愁  
舊曲聞來眉自斂盛年說着口應羞飛蓬短鬢難禁白老屋疎茅不奈秋  
舞衫長借鄰人着同伴相呼只推却臉玉香隨翠靨消淚珠暗逐燈花落  
憂來倒插黃金鳳夢裏時彈白翎雀百感中來不自由芳心一片從誰托

唐姬言語一何長，句句淒其字字傷。滿座聞之聲唧唧，沾巾我亦爲浪浪。滄桑轉瞬誰能識，富貴浮雲安可常。覽鏡每聞悲素髮，舉杯長欲勸流光。唐姬亦莫懷抱惡，自古佳人多命薄。傾城西子逐鴟夷，絕代明妃嫁沙漠。尊前有酒且懽笑，身外閒愁付冥漠。皎月秋來幾度圓，穠花春盡從渠落。唐姬攬涕復陳情，請作驪山老妓行。桃李風前霜月下，長吟亦足慰平生。不因水上琵琶語，那識江州司馬名。爲爾臨風歌一曲，百年哀怨起秦箏。

余旣作此詩，本戲筆吟弄，以爲懽笑耳。而客有問余者曰：子詩淺易明白，恍惚樂天然，用事不免多誤。上林苑是漢家事，白翎雀是世曲，千白子花萼樓恐不在驪山上，如何。余笑曰：那知許事，且啖蛤蜊，西山朝來頗有爽氣。

高昌老翁行

高昌老翁背隆然，黃鬚高鼻毛髮拳。自言少小家，幽燕生長適。值繁華年，出身從戎事。西邊十七八，九南營田雕戈如雲護。中堅流蘇帳，暖垂蛇蛻。三珠虎符誰喜懸，偏裨盡戴黃金蟬。軍中無事惟游畋，錦袍白馬青連錢。胡鷹一掣冲九天，駕鵝酒血來連連。夜闌愛月醉不眠，衆賓呼盧各爭先。

翰籌唱飲開錦筵美人照座紅娟娟涼州葡萄斗十千金盤丹荔明珠圓  
野駝之酥香不膾爭持寶刀誇割鮮忽爾不樂心悁悁琵琶催張鳳凰絃  
織歌一曲清聲傳華嚴天魔開采蓮美人起舞鬪嬌妍腰肢宛轉飛花旋  
玉釵斜橫翠袖偏春風徐來拂筵前此時意氣如熊虎伯仲聯翩專珪組  
青雲頭上高楚楚却笑旁人不好武一朝零落來南土白髮蕭蕭守環堵  
北風怒號朔雪舞羊裘無溫敝不補人間俯仰成今古老翁無乃獨愁苦  
霸陵將軍舊征虜青門秦侯亦開府浮榮飄風何足數

湖州樂

湖州溪水穿城郭傍水人家起樓閣春風垂柳綠軒窓細雨飛花濕簾幙  
四月五月南風來當門處處芰荷開吳姬畫舫小於斛蕩槳出城沿月回  
菰蒲浪深迷白紵有時隔花聞笑語鯉魚風起燕飛斜菱歌聲入鴛鴦渚  
雲南樂

成都賈客向人語黎州多風雜多雨雪山萬古長不消山下四時風氣暑  
竹林西畔是雲南不論冬夏披氍衫蠻官見客花布襖村婦背鹽青竹籃  
繩橋跨澗石巖樂部落馬蹄皆灌鐵引筒買索通客行插木入崖防棧絕

郟筒酒熟蠻人歌太平今喜無兵戈懸車不戍相公嶺賣馬安行大渡河  
干纓換貨躋印笮路出彭門緣劒閣火井秋篁截洞簫幾腔吹作雲南樂

送高文質遊杭州

君昔從戎佐南伯歸朝名在驍騎籍有兒戮鎗能跨馬請官得應長番役  
繁華三月帝臯州馳道千花過棗駟豪俠應憐白日晚狹斜還作少年遊  
玉瓶一雙和酒絡九陌三衢縱歡謔白雪騎兒翠毯鮮石榴裙子春紗薄  
今晨告我武林行一束圖書畫舸輕賓客追隨白下里鶯花明媚石頭城  
蘇堤雨餘春水長三高祠下聞漁榜冷泉濯足乘風歸野寺哀猿共僧往  
可憐雲水空西湖畫船邇來一隻無沉酣久矣厭流俗清冷正可娛潛夫  
武林舊日豪華國一一煩君吊遺跡明朝白馬擁波濤前代銅駝卧荆棘  
銅駝翁仲事應非惟有孤山似去時君行若過逋仙墓折取梅花一兩枝

白雲山

白雲山下春光早少年冶遊風景好載酒秦陀避暑宮踏青劉鋹呼鸞道  
木棉花落鷓鴣啼朝漢臺前日未西歌罷美人簪茉莉飲闌穉子唱銅鞮  
繁華往似東流水昔時少年今老矣荔子楊梅幾度紅柴門寂寂秋風裏

贈皇甫隱士文遠

羣英濟濟登廟堂無復幽人卧空谷胡爲冠帶隱塵市有似山海遺珠玉  
先生風度與人殊面如頰玉仍禿鬚侯門不掛一步脚厭殺人間咕嗶儒  
蔣陵白下清溪曲垂柳疎疎數椽屋芸窓磊落一萬卷客去自倚風軒讀  
秦淮買竹起高樓興來酌酒樓上頭科頭舉白亂浮客胡琴羌笛聲啾啾  
朋賓自飲還自散先生醉眠忘早晏蒲葵巨扇醉不醒人定鍾關始知飯  
沉酣本以陶性靈有時兀坐還惺惺屯蒙火足金母嘯卦氣白白升黃庭  
看君出處有妙策爲人不遷亦不激隨時無怪互隱顯意欲不遣人人識  
我作初交沈逸民卜居遂與先生鄰雪中長跋東郭履花下時掛淵明巾  
生平落落人少喜先生一見便知已非因性情酷相似安得傾倒能如此  
居安食飽卽爲家山林未必強京華君不見西湖處士骨已朽至今惟有  
寒梅花

贈關元帥景熙

君在前朝帥東閭虎符三珠秩二品轅門裨將懸金章黃頭奴子州縣尹  
揚僕樓船下瀨時君隨左相入京師端門萬錢宴珠履輦路千花明錦衣

天官宗伯司邦典藻鑑論君第高選君言下國羈旅臣生來好武文筆淺  
願縮銅章佐北征還來作吏錦官城宣勞豈言爵高下貴在晚節完虛名  
歲華荏苒容鬢改朋舊飄零滿湖海星辰霜木餘幾人我與蟾溪老高在  
前年佐縣淮山陰今春待詔入詞林比來奉節領祀事會面錯愕驚愁心  
耶筒新酒凝寒翠清夜懸燈共君醉醉來自起彈鳴箏一曲清歌數行淚  
有歌有酒君莫辭人生會遇信有時百年莽莽任所適不必借箸籌前期  
但憐奔波稀會面此去何時復相見明朝掛席下瞿塘我似伯勞君似燕

戲贈端孝思

君不見長安遊俠兒銀鞍白馬青春時朝出呼盧夜飲酒美人娟娟照窓  
牖若爲君作梅花仙不隨桃李爭春妍臨流自敞書畫軒獨夜可憐邀月  
飲一春長是背花眠

送何都關濟南省親至京還廣

伊昔關河事征戰君家嚴君擁方面君拜元戎領大藩虎旗耀日光於電  
北山之北南河南鯨波虎壘相巉巖轅門上日開將闔白馬朱纓銀作銜  
軍中呼盧日向午錦筵置酒夜擊鼓龍潭降卒解西歌翁源女兒學東語

有時倖賊珠海頭海門六月如九秋牙旗揮天虎豹怒霹靂迸火魚龍愁  
銀漢淋漓洗穹昊嚴親入覲承恩早角巾還第誰最高君與君家兄弟好  
榻來寧親東入齊歸舟一繫蔣陵西鶯花爛熳春如海歌舞流連醉似泥  
蟾溪高彬故部曲開宴斗門橋下屋宣州梨子鵝兒黃吳姬指纖白如玉  
酒酣耳熱悲故鄉孫賁在座情更傷關河北去五千里目斷南天如許長  
秦淮水生風似雨十幅蒲帆醉中舉龍灣江口辭故人小孤洲北失前侶  
知君第宅遶西湖門對羅浮列畫圖梅花白白想猶昨蘆橘青青今有無  
三郎今年三十幾平生與賁最知己明歲春還若寄書玉堂華館西清裏

往平原別高彬

銀壺綠酒沽春宴環珮朝回奉天殿平生不作兒女悲獨向高彬淚如霰  
高彬昔年桑梓雄好賢乃有古人風東林詩社靜來結北海酒樽長不空  
榻來弓劍已蕭索短髮如絲猶好客塞上葡萄火齊紅宣州梨子鵝兒白  
沉綿不獨重相知文采今還勝昔時小樓焚香每讀易淨几把筆常題詩  
今晨我作平原別高彬不意情欲絕芙蓉香冷不堪贈楊柳枝黃未宜折  
龍灣江口石城頭一幅蒲帆萬里秋暮雲紅樹儻相憶應有音書慰別愁

寄訶林長老明靜照

龐眉老僧無住着不問山林與城郭談禪到處卽跏趺白晝天花如雨落  
心知一境萬緣空靜與晴霄海月同錫振春山常伏虎鉢含秋水自藏龍  
問師今年僧臘幾手種蒼松舊松子松身已作蛟龍鱗定中一念猶未起  
白石垂蘿淨窈冥爐香一炷兩函經澗猿時擎野果供山鬼或倚寒巖聽  
荷爲袈裟荔爲帶世人見者皆再拜師言是悉有漏因我今已入無色界  
十年奔走亂如絲對榻空論不遂期每歎道緣於世淺惟師與我最相知

贈虹縣顏景明

淮陽老人讀周易風吹鬢絲人不識典闢移席傍寒梅雙眼如猶對花碧  
天風毛骨江海仙偶來花下同清綠凌雲文采鳳凰見照室丹光龍虎全  
清琴調古無人續且可開樽掃茆屋胎禽起舞和雲謠山月光於畫樓燭

次武昌

大風吹船如馬走船頭水聲作牛吼掛帆初發岳陽磯轉舵俄灣武昌口  
武昌城頭黃鶴樓飛簷遠映鸚鵡洲漢陽樹白烟景濕行人如鷗沙際立  
江南風土寒氣遲居人九月着絺衣酒旗臨江開竹屋當爐小姬能楚曲



蜻蜓船尾旋回風今夕停船酒家宿

題錢叔昂瀟湘圖

遠山如遊龍近石如踞虎秋陰迢迢樹楚楚乃是洞庭瀟湘之極浦西來  
白波浮太虛鬼物似與空濛俱潭深屨氣結樓閣鮫人踏浪隨游魚織綃  
更泣明月珠綴成懸璫素裙襦九疑並迎翠華輦絳節影低羣真趨須臾  
長風起木末高林側亞葉亂脫浮雲散盡天宇豁雲水遙連帶青澗蒼松  
翠竹黯未分殘霞斷靄餘斜抹錢郎毛骨清盡此兼眾妙疎疎臨水花白  
白遠山曉恍疑一葉寒流中雨後開蓬展清眺日落君山吹鳳簫水雲相  
間作蕭韶荒祠二女應魂斷試把芙蓉天外招

次歸州

歸州城門半天裏白雲晚向城下起市廛架屋依岩巒婦女提甕汲江水  
巴山雪消江水長城中夜聞灘瀨響客船樹杪鈎石稜漁父雲端晒繒網  
家家蕪田山下犁倒枯大樹燒作坭居人養犬獲山鹿稚子縛柴園野  
楚王臺高對赤甲四時猛風長與颯柁工鳴板避漩渦榜聲搖上黃牛峽

發忠州

忠州府志卷之二十一

顛風翻山雲黑黑星河無光江翁翁搖船夜半發忠州漩深浪緊船欲立  
宣公祠下灘嘈嘈船頭着水低復高石稜割裂箕斗影山鬼出雜魚龍號  
亦知風水莽回互王事有程那得顧誰歌太白蜀道難和我靈均遠遊賦

下瞿塘

我從前月來西州錦官城下十日畱回船正值九九節巫山巫峽風颼颼  
人言灩澦大於馬瞿塘此時不可下公家王事有程期敢憚微軀作人鮓  
人鮓颺頭翻白波怒流觸石爲漩渦柁公敲板助船客破浪一撇如飛梭  
灘聲榜聲歷亂聒緊搖手滑榜易脫沿洄劃轉如旋風半側船頭水花沒  
船頭半沒船尾高水花作雨飛鬢毛爭牽百丈上崖谷舟子快捷如猿猱  
擺船把酒聊自勞因笑輕生博奇好吟詩未解追謫仙天道經行蜀中道  
巴東東下想安流便指歸州向峽州船到岳陽應漸穩洞庭霜降水如油

羅浮

四百峯巒列海圖飛雲絕頂啟玄都丹砂五色時光焰紫翠中天半有無  
觀裏松株皆住鶴山中竹葉盡成符鐵橋歸去尋清賞爛醉仙人白玉壺

江上

江上青楓初着花，客帆和月宿蒹葭。雲過疎雨數千點，臨水小村三四家。  
風起漁船依釣石，潮回歸雁認平沙。秋懷已向南雲盡，又是滄洲閱歲華。

古意

山礬花落春風起，吹妾芳情渡江水。夢中蝴蝶相交飛，門外鵲聲郎馬歸。

送翰林宋先生致仕歸金華

八首

門生日日侍談經，獨向孫贛眼尚青。幾度背人焚諫草，風灰蝴蝶滿中庭。  
千載班揚亞六經，先生高步續芳聲。高懸日本朝王使，長向仙班問姓名。  
頭白勳庸列上卿，君王豈是重文名。朝廷禮樂新寰宇，半是先生撰次成。  
事業文章滿汗青，白頭歸去世緣輕。雙溪水繞長松下，只讀楞伽一卷經。  
紅鞋金帶荔枝花，三品詞林內相家。歸去山中無箇事，瓦甌春水自煎茶。  
玉樹芝蘭取次成，小孫開歲亦能行。懸燈夜讀元朝史，認得前編老祖名。  
近欲長叅不語禪，水雲飛盡月輪圓。惟餘一冊龍門子，留與西江學者傳。  
華髮朱顏六袞餘，還鄉猶駕軟輪車。龍江關吏如相識，應止青牛乞著書。

寄高彬

條風吹綠滿蟾溪，蠟屐行春日向西。獨木橋邊烏桕樹，鷓鴣飛上上頭啼。

寄王彥舉

綠楊陰下玉驄嘶  
絲絡銀瓶帶酒携  
夢入南園聽夜雨  
不知身在蔣陵西

過楊州二首

江上垂楊覆白蘋  
斜陽啼鳥斷吟魂  
朱樓翠箔今何在  
一帶寒城鎖暮雲  
垂楊白白折殘枝  
春盡瓊花作雪飛  
少日狂遊今是夢  
竹西歌吹舊臺池

秋閨思三首

涼夜簫聲處處過  
玉樓高起逼天河  
西風瘦盡梧桐葉  
添得西窓月影多  
晚思沉沉倦倚闌  
玉簫聲歇酒闌珊  
澹雲還掩初生月  
誰護梨花作夜寒  
夜漏沉沉似歲長  
小鬟貪睡懶添香  
春風莫撼流蘇帳  
待妾分明夢一場

訪某附馬不遇題壁

青春附馬不還家  
公主傳宣坐賜茶  
十二碧欄春似海  
隔牕閒殺碧桃花

闕門書所見

隱隱旌旗颭落暉  
方山遙望錦城圍  
平蕪一帶香塵合  
知是諸王射獵歸

集外詩二首

贈鶴林周玄初尊師

物外逍遙月鼎翁先生早歲得相從榴皮畫壁成黃鶴竹葉書符化綠龍  
天女時聞蒼水佩世人空拜紫珠峯神游倘遂烟霞約便解朝衣問赤松

周玄初祈晴詩

江南仙山天下無峯巒屹立龍虎都赤城差我敞靈區中天秀色光盤紆  
紫極曲密交綺疏鬱蕭彌羅玉渠渠宸嚴中高天帝居璇題丹篆雙蛟扶  
美人風鬟繡羅襦華容綽約春花敷星爲華蓋霞爲旗列缺丰隆一字趨  
文昌司勳丹桂厨廷尉執法森雕艾真人神色虬髯鬚華嶽攢雲冠翠岵  
雪山青城角井孤碧桃吹香蜀錦如先生丰度常人殊蒼姬爲姓字玄初  
携琴南來訪華胥神清骨冷驚座隅琅函石室啓秘圖谷神天機守若愚  
經巢重營向姑蘇綠樹蔭屋江循除何年聲名達鑿輿入陪夔龍達天衢  
天顏津津降都俞御爐霧繞青霓裾東溟巨漲吞三吳秋陽化霖沒苗畝  
堂進產蛙金生魚平陸泥芥成江湖妖霾陰霏塞四墟洪濤墨汁翻舳舻  
老農倉惶憂國租百萬偃指將淪鋪先生被髮騎於菟俛爲蒼生出蓬壺  
手扶芙蓉綠湛盧靈蛇穿星膽氣籠燕筆露葉書陰符封章奏伏紅攬輿  
天壇赤脚踏斗觚叱喝百鬼如傭奴千山萬山雨模糊劃然清空見杉櫨

陽侯攀盤獻金鳥若木散彩乾泥塗飛廉崩騰運颶車海屋撼折青珊瑚  
 馮夷首縮寒蟾蜍天吳卻走尾畢逋歡聲如雷隘闔閭衣鶴髮歌里閭  
 我本逍遙山澤癯不才比櫟與樛顏面偶出應時需勃鬱坐困塵土拘  
 石床蕙帳松菊枯鏡橋流水空羅浮藜藿不充出無驢况望宦達高名譽  
 滄波東流芳景徂驚禽不定林木疎羊腸九折方崎嶇我行欲進仍趨趨  
 紛綸世事集眇軀有若萬弩向一徂逝言乞身承明廬分我水竹山南岵  
 清泉白石隣樵漁松花春醞傾浮蛆呼龍畫江種金渠倩鶴渡海傳丹書  
 玄言五千味道腴妙香縈簾日欲晡凝神坐忘隱團蒲關元晃朗天為徒  
 坎離匡郭太一爐黃庭有士身衣朱白虎嘯風作熬樞蒼虬摧鱗與之俱  
 龍吟虎啞不須更虛室發白延居諸泥九三花暖將舒蛸蟬蛻殼雞抱雛  
 長吟洞童夜冲虛左驂翔鸞右飛鳧班行朝回步虛徐琅風清微韻笙竽  
 崑崙捲旗枉矢祛立召霹靂誅契偷丹砂如粟倉箱儲一粒入口千年餘  
 顛崖赤子凋瘵甦四海盡化為唐虞五星聚金貫聯珠麒麟游郊鳳棲梧  
 崆峒影掠周八駒龜臺閭風宴仙姝歸來松陰倚蜘蛛醜顏謔笑解玉珞  
 與君歲晚同遊娛

李義寧德

德字仲脩番禺人洪武庚戌以明尚書薦至京師授洛陽長史繼遷濟南  
西安二郡幕自陳年老不能吏乃就湖廣漢陽教諭秩滿改任廣西義寧  
縣後遊南歸卒于家李字底信亦能詩見廣州人物傳

栖雲菴

石室凝紫煙空洞懸石乳陰崖含風泉終日灑飛雨臨流結精舍六月不  
知暑道人養清虛適與高僧處垢淨俱已忘孰爲舍與取諸幻旣遠離白  
雲日相與何當謝時人來作塵外侶

憶南園

南園蝴蝶飛綠草迷行迹青鏡掃長蛾娟娟弄春碧錦屏千里夢寂寞愁  
芳色小字寫長箋鴻坐相腸

柳塘書舍

遠山出白雲近水明秋色煙波漫浩浩日暮歸舟急隱約叢薄間茆茨倚  
蒼石中有柳塘翁看看似相識

寄孫仲衍

南園虛夜月風景罷登臨  
登洛成陳迹青齊入苦吟  
升沉凋壯節匡濟負  
初心薄宦容身得寧辭  
雪滿簷

寄馮朝泰

金陵昔會面一別杳無音  
故國秋雲合大江春水深  
宦情同契闊老景各  
侵尋縱有衡陽雁何由寫宿心

金陵逢趙汪中

十年長契闊萬里各分飛  
岐路風煙杳江湖消息稀  
加餐俱努力訪舊各  
沾衣春草無勞綠王孫自不歸

秋情

蠟炬搖紅紗隙凍沉香帳底  
鴛鴦夢芙蓉波冷薄霜凝  
一夜離鸞憶單鳳  
梧桐金井啼鴉鴉夢郎封侯  
歸妾家開門自掃枇杷花

十二月樂章

正月

東方日出香茸茸長條短條花  
眼紅柔雲弱雨暗填空茫茫  
蝴蝶破春風  
鴛鴦夢山夢濃蕭颯愁思  
閑睜容江頭瀉瀉水聲動微  
和着柳黃金重



二月

燕梁玄玉濕蜂蜜花房曉銅龍噴水微翡翠含波小石間苔蝕舊蒲根古  
魂啾啾啼曉昏紅芳碧藥亂殷殷蠻女剪燈插翠雲游絲繁春懸錦綺渚  
閒沙白鴛鴦喜

三月

花斂容柳刷翠扇薄欲裁紈佩香思剪蔥桐英寂寂沈寒波紛綠猗猗日  
影多六街煙花淨如掃千年古血生青草

四月

碧雲屯午風熏熏五絲曲奏玄霜紋湘臯野龍拔新玉摧鱗健角蕭蕭綠  
蕙香小妓扇輕羅半掩櫻唇試新穀金丸落落絃紅脂石池青鈿溢碧漪

五月

沙上短蒲綠赤菱紫茨離披熟越奴青髮艾懸香踏踏采蓮塘上曲游龍  
撇波海水飛黃頭伐鼓吹參差少年搖曳澹忘歸

六月

皇天高厚地裂白日河庭泣魚鼈湘神抱瑟愁波濤頽陽畢化穉陰結焉

知海上黃金闕萬丈丹梯到寥泬喬松相携弄白雪

七月

桐風刮帳無春溫赤精解綬佩金神銀浦橋成鵲濟津遙遙帝子度長雲  
野芳萋萋日杲杲十萬蛾眉鏡中老錦樓折竹夜迎仙越秀吳都巧不眠

八月

玉露薄清虛銀雲擁明月空濛白夜涼遠近商聲發桂子落秋香寒娥能  
孤潔誰家理素琴調急絃應絕

九月

清燧激素商遠客生歸夢芙蓉萋匣香玉腕勝金重幽芳垂晚暎汲綆霜  
華凍洞庭木葉空臨水悲相送

十月

沈寒凝海霜斑斑蘆鴻叫叫蒼梧間仙雞警曉蟠桃乾天鼓無聲澤龍閒

十一月

軒轅玉管還初氣綵線紆迴報長至瑤花散落滿寥天萬戶千門夜明媚  
南山幽翠淨如削內屋紅爐春自若璿璣迴幹見天心姬氏騎龍斑歲朔

十二月

北斗璇光射幽土四氣緣環若朝暮  
墜底驚蛇挽不畱官街力獸馱寒去

閏月

羸皇當極黃楊死一寸霜皮生不起  
嶧陽老餘青銅根玉葉排秋十三子  
鬱華羿妃緩兩轡遲回二萬八千二  
春秋九十短長勻青紅白黑上下均  
千秋萬歲奉明君

送友人

關雲擲擲吹沙黃瑤華拂劍春風香  
鵝黃淺泛玻璃光越妓舞衫金縷長  
江津白白黃灣月神魚撇波龜甲裂  
湘娥凝綠染春衣踏踏青雲那馬歸  
塘上行

露濕藕花香花折藕絲長豈無鳧與雁不似錦鴛鴦

黃通判哲

哲字庸之番禺人性好山水結廬蒲澗往來羅浮峽山南華諸名勝出游  
吳楚燕齊止于秦淮龍鳳中太祖駐師金陵李善長張景汪廣洋交薦之  
乙巳建吳國拜翰林待制入書閣侍太子讀書尋兼翰林典籤洪武初奉

使青徐尋出知山東東阿縣經毛貴亂後民多流徙聞哲善政皆復業辛亥升東平府通判疏決河于梁山尋上疏陳時務上怒其狂妄放歸乙卯名回山東以他事註誤竟真于法

白苧詞

長洲宮中花月輝彩雲夜傍瓊樓飛吳姬娉婷白苧衣揚蘭拂蕙春風歸花籌傳觴注紅玉月鏡當筵掩明燭低環按節宮調促嫣然一轉亂心曲夜長酒多懽未足驚烏啼向東苑樹星河闌干正當戶明眸皓齒歌白苧蛾眉嬋娟花月妬含情奉君君莫顧雲中璧月易盈虧葉底穠華多盛衰願爲寶階千歲石長近君王雙履綦

烏棲曲

九月過姑蘇江頭霜草枯西風吹葉盡愁殺夜棲烏棲烏月明裏霜重驚還起無處托安巢啞啞渡江水江波淺復深東去無還心白苧吳宮曲能成哀怨音只言懽樂長相保青春幾時秋又老可憐西子斷腸花不及虞姬美人草舞罷垂楊金縷衣椒房終燭明星稀越騎爭馳海山動吳歌尚繞梁塵飛梁塵飛飛白苧哀烏啼夜半闌門開鴟夷浮江麋鹿來月明猶

照姑蘇臺

自君之出矣

自君之出矣無處托鱗音思君如畫燭淚盡不明心

秋月篇

金商鳴素節瑤律屈先秋始見西陵月嬋娟滄海頭清規臨夜滿澄影際  
天浮媚浦沉珠迴凝波淨練收常懸鵙鵲署初照鳳凰丘碧落宵同映銀  
潢曉共流梁園生綺夢陳榭感芳憂爽泱征人袂光含思婦樓玉臺情未  
已鸞鑑影空畱詎惜盈虧屢仍知晦朔周關山隨別騎淇水送行舟願逐  
餘輝去蘭堂奉夕遊

遊泰山

今年初出承明班折腰從政青徐間神州二月新雨霽我來萬里觀名山  
名山岱泰連雲上鄒嶧徂徠鬱相望晨霞彷彿見丹崖旭日瞳矇射青嶂  
羽服逍遙山際行垂蘿響石漸迴縈喬樹千章寒谷秀陰泉百道曉虹明  
玄都太古瑤壇在石室丹爐長不改中林迨遙躡天門五色芙蓉耀光彩  
東極羣真鳴珮環招搖玉女開金關蒼龍飛去溟海闊黃鶴下喚清風還

奎壁祥光生縹緲日觀扶桑壁昏曉登臨今日九州同顧視寧論萬山小  
名岳齊天天不知齋宮虔潔悶靈祇寶鼎椒蘭騰馥郁芝楹華蓋仰威猗  
祠官祝釐朝擊鼓玉童吹笙雙鳳舞魯祊秦祀變浮雲后土精靈夜相語  
功成世世來登封明堂駿奔朝岱宗翠華行處入歸鳥樛木盡亞隨飛龍  
微茫玉檢無人識綠雲陰洞秋聲急但聞松喬遺素書我欲因之蛻凡骨  
絕頂玄芝應再生神遊早願拋塵纓笑騎蒼猊驟太乙稽首銀臺超上清

河渾渾并序

洪武辛亥夏六月工部主事仇公中書宣郎觀公奉旨按行黃河北環梁  
山逆折西至鉅野曹濮達盟津發民疏浚墜俾通糧漕予承乏分領  
東平之役濟寧則有守禦千戶張將軍董其事焉諸公借會沙予余記元  
年春奉命泝河北來時兵始襲汴舟師踰彭城北入汴南塔張口泝漫流  
而西三年余朝京師道出其左則塔張之津已淤舟之汴洛者北趨戈泊  
口任坂開河闡西以行今由梁山則迂其故流又及千里矣且復晨夕徙  
遷無常漕舟苦焉蓋其瀾漫奔決能困兗豫徐冀數州之民而深不足引  
舟漕有司常具舫尋源標幟以前導翊日則又徙而他流矣塗路朽壤流

沙數百里間驚楫奔鍾無所施其功故議者欲  
噫此季元之覆轍何足與議哉因賦河渾渾

上聞有復堰黃陵岡之舉

河渾渾發崑崙度沙磧經中原噴薄砥柱排龍

門環嵩絕華熊虎奔若不

聞漢家博望初尋源揚旌遠涉西塞垣窮探幽

討事奇絕云是天津銀潢

之所接葱嶺三時積雪消流沙萬派從東決東

州沃壤徐豫之墟懷山襄

陵赤子爲魚夕沒鉅野朝涵孟諸茫茫下邑皆

沉汚民不粒食鄉無廬桑

畦忽變葭葦澤麥龐盡化菴麗居官中聖人方

肝食羣公夙夜憂曠職星

郎又乘博望槎西去盟津求禹迹始聞古道行

千艘一胡轉徙纔容舫奔

衝倏忽駭神怪淺不浮漚深沒篙我上梁山望

曹濮長漢滄桑變陵谷萬

人舉鍾功莫施猶擬宣防再興築宣防漢武威

爲若堯無爲洪波閱九載

端拱垂裳衣玄圭錫夏后安得辭胼胝龍門一

疏鑿亘古功巍巍巍巍功

可成河水渾復清

寓治穀城寄京華親友

金陵別時春已半含桃吹花鶯語亂羣公送客勞勞亭王事驅馳不敢緩  
折腰從政真可憐貂裘欲敝寒無氈青徐古道暗荆棘二月黃河水塞川

戰場蔓草繁白骨城都蕭條狐兔窟柳塞胡笳夕厭聞花門突騎時還出  
獵火荒涼夜合圍聊城關外羽書飛將軍轉戰略那魏歷下游兵分道歸  
瘡痍未復更顛蹶忍看呻吟日流血朝耕暮戰同死生撫字無才政多拙  
有時登高望遠山浮雲萬里何當還令人却憶魯連子一箭成名東海間

費將軍凱還歌

費侯佐國文且武禮樂從容在軍旅漢家卿相誰得如雲臺功臣祭征虜  
王師轉戰下山東大將平燕無限功復有奇兵專節制將軍同日度居庸  
居庸城邊草初白戎兵夜遁龍沙北長風吹沙鐵山黑賢王瑀弓控不得  
組練如霜未倒戈狼烽斥候通灤河將軍洗兵河上波馬前雙金唳囉  
英雄如公信無敵據鞍歸來親草檄歸來更唱平戎歌燕然山頭地勒石  
忽憶去年駐阿城僕忝徵官曾送迎馬頭北去掃燕土今日傳聞朝玉京  
旌麾再入阿亭路橫槊賦詩肯相顧官橋一道野棠開人道當時列營處  
東風二月江南春露布先傳到紫宸丹書鐵券分茅土願爾功成過古人

醉歌行爲鄜復初雄飛昆仲賦

昨日風雨中我來自西山不知春早暮花落長林間林間幽人心事閒相



逢一笑開雲關問我別來春幾度五見飛花滿行路黃橙丹荔繞池減清  
水離離照芳樹登高的我黃金疊傾情寫意無嫌猜携觴復就花下飲鳥  
啄餘花鋪綠苔我惜落花君莫掃乘興卽來坐芳草江山如此多閤人與  
君相期恨不卑君家伯仲多材雄白眉更是人中龍東山還着謝公屐百  
世行藏安得同爾曹曾辭鶴書召子亦蹉跎走荒嶠華髮盈簪已自慚烏  
巾折角從人笑悠悠行路心惟君可知音南冠發楚奏拂拭瑤華琴商聲  
淒淒夜沈沈酒酣風悲月出林終然苦調不可聽爲君更賦還山吟他年  
訪我桃花洞洞口花殘春正深

王彥舉聽雨軒

輞川給事才且奇自我相親童冠時高談甚愛風雨夕世上閒愁都不知  
幾回共酌東軒裏正值蕭蕭滿人耳當聽滌筆寫黃庭涼聲散落鵝池水  
竹外淋漓芳砌寒簷端飛洒落花殘先生擲筆向予笑如此宮商真可憐  
况復交游盡文雅傾倒對之情不舍銀觥夜酌涼蒲荷琵琶嘈嘈急如瀉  
先生醉坐銀燭低行雲入簾花氣迷啣啣屋角聞朝雞出門只見花成泥  
當時雄筆誰更好孫公狂歌君絕倒橫眠三日醉復醒夢見池塘生春草

一別淒涼十二年，關河風雨隔幽軒。懷鄉淚逐燈花落，隱几晴忘春溜喧。  
君入蓬萊獻三賦，我踐泥塗走中路。歸來相見頭總白，坐上逢人半新故。  
西牕舊話誰與傳，思君昨日空迴船。綠蓑青蒻重來訪，莫厭連床終夜眠。  
將進酒贈彭生秉德

華燈照廣席，錦瑟彈朱絲。一彈再三嘆，進酒卿莫辭。丈夫成名垂不朽，彭  
生早試穿楊手。彩鳳朝鳴崗上桐，驪駒莫繫門前柳。門前柳條冬尚青，城  
南桂槩翻玉瓶。舫船滿引百分勸，出門不顧蓬中螢。君不聞洛陽賈生對  
宣室，長安九衢皆動色。長安九衢橫九天，爾如神駒當自力。我昔侍從金  
門中，誓師牧野初成功。功成治定四海同，條牧再見承平風。爾行次科期  
第一，狐裘蒙茸髮如漆。莫辭更盡金屈卮，直上排雲振雙翮。

短歌行與藍山陳彥中

桂水秋風高，扁舟過蘋末。西來佳公子，袖拂滎川月。公子芳年狐白裘，抱  
琴來訪丹山丘。雲邊舉手笑相揖，凌雲意氣橫清秋。高談雅論傾四座，自  
言曾到燕山遊。雪中射虎隨飛將，原上呼鷹從列侯。酒酣馳向城南獵，騰  
身飛際輕一瞥。赤手獲得千年狐，路人縱觀誇勇捷。聊家嚴君誰得如，湘

南昔日專城居將門有將今復見見此滄波明月珠明珠白璧相照耀知  
音更學絲桐妙傳得吳儂子夜歌彈爲楚客陽春調爾有吳越思言之使  
我迷罷琴惆悵孤月落哀猿老樹臨雙溪他年同泛山陰雪聽爾琴中鳥  
夜啼

扶溪春望

溪頭望春春色深美人不見勞子心綠波渺渺向南浦  
畫樓臺芳樹陰天涯滿目丹青障春日春花兩搖漾  
翡翠蘭荈不可思鴛鴦桂樹長相望相望相思雲路遙  
金塘流水亂春潮採菱風急桂舟晚疑是當年楊子橋  
橋邊楊柳青青好惆悵春心被花惱浦口迴船欲訪君  
相思一夜蘼蕪老

北捷應制

王師幾日定秦郵詔發奇兵出壽州橫海樓船通楚甸羽林旌節渡淮流  
胡笳慘動關山月戎帳威傳草木秋聞道鷹揚能奮迅思歸燕將莫夷猶

舟泊龍灣寄孫仲衍

吳檣楚柂十年間又度秦淮虎豹關眼底故人成寂寞夢中塵業負高閒  
九州風雨東南會七澤波濤日夜還江上思君雲路杳掀蓬愁對蔣陵山

折楊柳枝詞戲贈朱文昭

綠陰馳道繞隋宮，拂雨撩煙送晚風。萬樹千條都折盡，不堪回首畫橋東。

附見 潘翁

翁字景翔南海人

讀雪蓬集

人中儀表黃東阿，華詞藻辯如懸河。秋波千頃撓不濁，但覺四坐春風和。早年逆籍絲綸閣，詔選儒臣拯民瘼。百里柯亭棲鳳鸞，一麾古鄆翔鵬鷲。交陳百務情非愆，偶蹶霜蹄衆所憐。歸來倅領文翁鐸，回首傷心叔夜絃。朝夜開卷披光彩，一似驪珠照滄海。弟子誰爲宋玉招，故人獨有山公在。愁來翹首悵東津，海水漉漉海上昏。惟有白雲山萬疊，百年從此憶清塵。

王給事佐

佐字彥舉家世本河東，元末侍父宦南雄。遂占籍南海，孫黃與佐結詩社。于南園開抗風軒，以延一時名士。時謂構辭敏捷，王不如孫。句意沈著，孫不如王。何真開署求士，與黃首被禮聘，掌書記。洪武六年徵至京師，拜給事中。學士宋濂嘗拜賜黃馬，上爲歌命詞。臣和之。佐斯須而就，有臣騎

黃馬當赤心之句上覽之而喜賜鈔一錠居二載乞骸骨賜鈔遣還

唐仙方伎圖

開元天子承平日錦繡山河壯京室金殿璇題表集賢玉屏粉繪圖無說  
夔龍接武居阿衡萬方旭日當文明衡山老仙何所有亦復通籍承恩榮  
縞衣白髮醜顏老自說時來致身早綵篋初開玉仗分白駮突出銀鞍小  
榻前製號賜通玄始信人間別有天樓船未遣蕊珠賜歲籥俄驚天寶年  
九齡歸卧曲江上牛郎又入中書相花雨香飄蘭若鍾柳雲春撲金雞帳  
萬幾日少樂事多梨園法曲聲相和闕雞舞馬看不足不獨仙人呈白駮  
仙人意是呈仙伎畫者傳之有深意延秋門外羽書飛却駕青驪向西避  
青驪劔閣雨淋鈴一段閑愁尚不勝不道畫圖今若此風簷鐵馬響昭陵

醉夢軒爲錢公鉉賦

東吳錢高士索賦醉夢詩十年不是不題句我亦醉夢無醒時問君醉夢  
緣何事君言不解其中意但知痛飲復高眠卽此悠悠是生計滄溟傾瀉  
供杯盂乾坤偃仰如蘆廬神遊溟滓鈞天外心寓鴻荒太古初人皆掉舌  
談臧否君方默坐糟丘底人皆明目辨妍媸若獨瞞騰黑甜裏君不見泪

羅江邊人獨醒捐軀博得千載名又不見王戎鑽李執牙籌晝夜營營算不休人生適意此爲樂何須苦覓揚州鶴竹葉杯中閱四時蘆花被底舒雙腳錢公錢公真我師平生此意君得之連床未遂論文約潤筆先求買酒費我生落魄惟貪飲百事無聞只酣寢生死真同力士鎗榮枯付與那鄂枕邯鄲枕上意如何笑殺當年春夢婆貪看北海清尊滿誰願南山白石歌吾聞醉夢之鄉一萬八千里中有仙人長不死李白佯狂樂自如陳搏鼻息呼難起行行又入無何有之鄉麒麟作脯瓊爲漿借得仙人笙與鶴三清八極同翱翔

戊戌客南雄

寂寞江城晚依依獨立時迴風低雁鷺返照散旌旗家在無人可愁來只自知幾回揮涕淚忍誦北征詩

憶舍弟彥常

庭草秋仍綠江楓晚漸稀年光隨水去功業與心違遠海猶傳箭殊方未授衣翩翩南去雁故作一行飛

午日呈鄭久誠叅政

百頃芙蓉盡畫船賀家湖上水平天金盤送果沈冰碗新扇題詩散舞筵  
往事氛埃成遠夢佳辰風雨憶華年淵蒲九節根如玉服食于今笑學仙

昔所見感舊

小小銀箏壓坐偏曾將古調寄新絃芙蓉綠水秋將老鸚鵡金籠語可憐  
兩鬢秋霜明鏡裏十年春夢夜燈前湖山隱約人如畫空負當年捲畫船

趙布衣介

介字伯貞番禺人老于布衣廣中五先生之一也

聽雨

池草不成夢春眠聽雨聲吳蠶朝食葉漢馬夕歸管花徑紅應滿溪橋綠  
漸平南園多酒伴有約候新晴

瑤池

宴罷瑤池暮雨紅碧桃花落幾番風重來八駿無消息擬逐青鸞入漢宮





列朝詩集

甲集第二十二

方正學先生孝孺 四十五首

與魏澤一首 飯起元二首

鄭叅政居貞 四首

周紀善是脩 二首

茅都御史大方 九首

練都御史子寧 九首

黃太常子澄 一首

黃侍中觀 一首

王修撰叔英 二首

卓侍郎敬 二首

程僉都本立 三十七首

張尚書統 三首

唐侍讀之澤 二十一首

俞都昌貞木 二首

龔安節詡 一十四首

孟知縣忠 一首

樓侍講璉 二首

袁敬所 二首

馮翁 一首

峨眉亭詩 一首

方正學先生孝孺

孝孺字季直一字希古世居臨海侯城里洪武丙辰謁太史公于翰林丁巳執經于浦陽山中先後四寒暑盡得其學召至京除蜀王府教授獻王

師事之號其讀書之室曰正學學者稱正學先生亦曰侯城先生 建文  
帝召爲翰林博上進侍講靖難時以死殉爲絕命詞曰天降亂離兮孰知  
其由奸臣得計兮謀國用猶忠臣發憤兮血淚交流以此徇君兮抑又何  
求嗚呼哀哉兮庶不我尤正學歿後文字之禁甚嚴門人王稔叔豐收其  
遺文藏之宣德後稍傳于世有遜志齋集四十卷

閒居感懷 九首

鳴鳩知天雨乾鵲知天風蟋蟀最無知亦悲年運窮云何當世士憤憤溫  
飽中變故如波濤浮湛安所終

鳳隨天風下莫息梧桐枝羣鷗得腐鼠笑女長苦飢舉頭望八荒默與千  
秋期一飽亮易得所存終不移

乘時功易立處下事少成君看蕭曹才豈若魯兩生賢豪志大業舉措流  
俗驚循循刀筆間固足爲公卿

庭前兩古檜封殖今百年女蘿欺衰朽揚翹冠其顛弱縈蒲柳脆鉅幹金  
石堅得時不自料歲晚良可憐

我非今世人空懷今世憂所憂諒無他慨想禹九州商君以爲秦周公以

為周衰哉萬年後誰為斯民謀

習俗日頹壞疇能塞其源自從井牧廢開此爭斂門收弊豈無術得若苦

難言田間一卮酒踞酌蒼梧魂

利慾烈炎火虐醜起從橫區區一子與死以口舌爭豈不念迂遠安能負

平生皇皇斯須困炳炳萬世明

胡貊笑統綺吳越賤堅車羣庸方囂囂固謂智士愚刀筆計得失絲粟較

盈虧誰云周公聖對此慚不如

池魚不知海越鳥不思燕蚯蚓霸一穴神龍輕九天小大萬相殊豈惟物

性然君子勿歎息彼誠可哀憐

追次朱子春懷詩韻

聞鍾理短髮徐步啓荆扉不知夜雨過林塹芳菲江山靜妙顏雲日浮

清輝殘梅落欲盡幽池水痕肥始見新歲來景物忽如茲徒為逝川歎未

遂滄洲期及時樂取樂莫遣青春歸

栽栢

迂拙乖世用每蘊無窮思取效非目前遠與千載期翠栢信良材成長計

功遲茲晨斷烟雨移動盈尺姿清厲嚴潔地聖靈會于斯豈無杞柳輩不足當堦墀殷社夙所尚古制非人爲先師實殷人植此理固宜但恐枝幹弱不耐風霜欺培護苟無失終見盛大時三年過人長十年齊桶椽百年必合抱根深柯葉滋青霄泊鸞鳳厚土蟠蛟螭豈特傲寒暑將堪閱興衰所托况得所永免斤斧危旣膺顧盼榮復與剪伐辭寥寥百世後神物相扶持何必爲棟梁乃見才氣施流光若飛翰時代易推移行看好古士追說種者誰我生素多病中歲早孱羸待爲鶴髮翁見女凌雲枝志士用心者濩落爲世嗤何如羣兒巧挿椽紛成籬

宿夾江寺

窗開覺山近院涼知雨足淡月透疎樺流螢度溪竹心空慮仍澹神清夢難熟起坐佛燈前閒抽易書讀

勉學詩八首

驅車入東雒策馬七百里所遇何表表莫非公與卿旌旄出廣路百步辟人行前駢與後擁不絕如雷轟人生處困阨孰不思寵榮此途良足樂此任苦不輕丈夫誓許國身作萬里程永懷鼎足戒毋使公餒饋

田單拜齊將卽墨乘孤危羣心效死闔燕士不敢支一朝寵祿盛惜身思  
自持小敵竟不下大寇空若箕功名每如此樹立終凌夷國家匪憂危寵  
爾將何爲動懷首鼠計退與災禍期向非魯連子身死節亦虧此詩爲李  
九江而作

鸞鳳寡儔匹玉樹少枝柯貴人在高位骨肉苦無多輕車駕駟馬妙舞隨  
清歌獨樂不如聚中心欲如何東家借一軸西家求一梭織成十丈幕周  
我堂之阿至親隔咫尺舉首如山河

人生四海內同作兄弟看一夫向隅泣滿座爲無歡豈無我衣裳念爾悅  
且寒豈無我梁肉爲爾不能殮羣生本一原有此惻隱端胡爲自汨沒功  
利日相殘辟如同母兒給之豆與簞奪彼以與此終非心所安

飲馬長城窟窟中水無多秋風動百草水面亦生波長城備外侮室內起  
干戈非關絕地脉乃是傷人和不見豐水上靈臺轉嗟峨前有大雅詩後  
有秦民歌鉅塗得苦水流毒如江河

黃河西北來云自崑崙坻經行非一山回薄半九州上有不測源下有無  
盡流萬化同此槎不知幾春秋分明天地心不爲淺狹謀棄人用小計顛

倒若無求安得申韓氏化爲古伊周以上四詩蓋爲齊黃華而作

勸爾一杯酒君行莫匆匆君心雖欲速道路久乃通東可窺大壑西能越

空同不憂歲月晚但憂筋力窮三年刻片楮九年成一弓制作雖云難爲

藝則已工小事可喻大願言置胸中此詩亦借詩賦而作

莫驅屋上烏烏有返哺誠莫烹池中雁雁行如弟兄流觀飛走倫轉見天

地情人生處骨肉胡不心自平田家一聚散草木爲枯榮我願三春日垂

光照紫荆同根而並蔕藹藹共生

次修得雜詩韻

神龍卧深澤不若抱甕滋白日闕重陰不如寸燭輝賢豪初未遇但覺吾  
道非紛紛當塗子權勢衆所歸兩生困蓬蘽屠販建旌麾斯事自古然今  
人安足悲

次王仲縉感懷韻

東京多節士我懷管幼安騰身風塵表龍祿寧肯干子魚不相諒高位屢  
超遷腐鼠欲見汚聞之媿心顏歸由爽姿迥出兩漢前彼哉阿世者變  
滅同飛煙榮華神所戲貧賤節斯完此道匪難知胡人爲不然

次鄭好義見貽韻二首

赤驥困皂櫪垂頭避駑駘王良振長轡蹴踏風雲開古來功名際何代無  
奇才當其未遇時誰免蒙塵埃丈夫亮有命勿使心顏頹  
山中一尊酒慰此離別腸清夜步廣庭大星吐寒芒向來負奇氣舉目空  
四方棲遲盛年至留滯天南荒君看升帝閣不必真乘黃

題李白對月圖

明月出高樹上懸青天中下有萬頃之長江揚波泛彩清若空江風吹人  
色淒凜此時對月誰能寢十千斗酒何足論舉杯宜就花前飲花前飲酒  
無與儔酒酣意氣輕王侯仰招行雲不可得但見月與河漢俱西流仙人  
伐桂樹王女倚瓊樓顧盼暫相悅棄去終莫留昨日已浩浩今日復悠悠  
人生如飛光及時不飲空白頭君不見月中玉兔搗靈藥不能醫此萬古  
愁何如醉臥長不醒天地與我同虛舟混混六合間浩然何所求

李白觀瀑圖

天寶之亂唐已亡中興幸有汾陽王孤軍匹馬跨河北手扶紅日照萬方  
凌烟功臣世爭美李侯先識英雄面沈香亭北對峨眉眼中已見漁陽亂

故令邊將儲虎臣爲君談笑靖胡塵朝廷策勛當第一珪組不敢縻天人  
西遊夜卽探月窟南浮萬里窮楚越雲山勝地有匡廬銀河挂空灑飛雪  
醉中信馬踏清秋白眼望天天爲愁金閨老奴汚吾足更欲坐濯清溪流  
英風逸氣掀宇宙千載人間寧復有夢魂飛度南斗傍笑酌廬山一卮酒  
雲松可巢今在無九江落照連蒼梧欲從李侯叫虞舜盡傾江水洗寰區

徽宗花鳥圖

宣仁升遐司馬歿宋祚當時已中否豈知禍亂猶未休更立端王作天子  
簡書四出捷星馳重見熙豐舊設施太室旣崇荆國祀朝堂新刊黨人碑  
廷臣往往多鉗口四海禎祥無不有萬金寶藏造池臺千里樓船載花柳  
君臣自詫文德修不數唐漢追商周陳鐘考鼓按雅樂厲甲揚戈昧遠謀  
宮中從容萬機暇酣飲逸遊忘晝夜御輦時過宰相家微行或飲倡樓下  
宣和殿內玉屏風綺席金爐處處同詔遣內官宣畫史時拈象筆極形容  
神機密運回天巧萬歲齊呼盡稱好玉確裝軸錦裁題墨署花書朱篆寶  
心怡志適藝愈良自道丹青過百王盡將兵籍付邊將還信奸臣斥俊良  
碎丹滅後金人喜猶剖王封賞闔豎露布初騰紫陌塵天驕已渡黃河水



汴京鎖鑰一時開雉扇鸞輿去不回圖書萬卷入沙漠奎壁無光天爲哀  
秣今俯仰三百載南北興亡幾更改廢陵已發社無基尺素誰家尚收在  
吾知此畫非人爲當有神物常呵麾故留花鳥在人世要俾後來懲戒之  
古來君德在仁義小枝雖工何足計不見昭陵一藝無偉績鴻名照天地

題南屏對雪圖

昔年歲莫京國還艤舟夜宿南屏山山風吹雲天欲壓夜半大雪埋江關  
清晨倚樓望吳越六合五花飄未絕恍疑江水駕山來萬頃銀濤涌城闕  
山僧好事喜客留置酒開筵樓上頭玉堂仙人宋夫子紅顏白髮青貂裘  
坐談今古如指掌共看雲收月華上寒輝素彩相盪摩碧海瓊臺迭瀟爽  
酒酣擊節心目開慷慨吊古思英才荒祠古栢岳王墓廢湖殘柳蘇公堤  
一時嘉會難再得仙人上天塵世窄王子何年繪此圖正貌南屏舊遊迹  
吾知王也奇崛人新詩妙墨俱絕倫儼然揮酒豈無意神授髣髴存天真  
世間今古同飛電回首人豪都不見空有蘿山石室書夜夜虹光射霄漢

江山萬里圖

我昔奉勅辭金闕西下巴川持使節仙槎二月出龍河萬里春風掉晴雪

吳江茫茫入杳冥，  
擢歌初過蛾眉亭。  
錦袍不見李供奉，  
白雲遮斷三山青。  
烟蕪漲綠知何地，  
白鳥雙雙沒淮樹。  
片帆風滿疾如飛，  
矯首驚看沂流去。  
大孤小孤橫雪波，  
匡廬五老青嵯峨。  
九江秀色嘆奇絕，  
半空飛瀑懸銀河。  
推蓬竟日閑吟倚，  
瞬息舟移洞庭水。  
君山如黛壓中流，  
十二烟鬟鏡光裏。  
好山遠自峩眉來，  
瀟湘練明天際開。  
疑峰九點落空翠，  
重華孤墳安在哉。  
武昌地轉多遺迹，  
隔岸烏鳴瞻赤壁。  
烟焰旌旗魏武兵，  
綸巾羽扇周郎策。  
扶醉曾登黃鶴樓，  
漢陽城對鸚鵡洲。  
卽從鄂渚擢明月，  
沂流直上窺荊州。  
夷陵山勢多巖壑，  
楚樹蠻雲遠相接。  
欲向夔城入錦城，  
還於巴峽穿巫峽。  
神女峯前路欲迷，  
羅塘灑瀨聞猿啼。  
五溪越盡見雪嶺，  
但見青天鳥道低。  
萬里橋西看立馬，  
足跡經遊半天下。  
愧無草檄擬相如，  
笑擲囊金輕陸賈。  
今年詔許臨丹丘，  
夢中往往驚羈愁。  
江山誰寫入圖畫，  
眼中歷歷如經游。  
岸巾一覽發長嘯，  
滿襟爽氣高堂秋。

題王叔明墨竹爲鄭叔度賦

吳下王蒙藝且文，  
吳興趙公之外孫。  
黃塵飄蕩今白髮，  
典刑遠矣風流存。  
華亭朱芾稱善畫，  
每觀蒙畫必歎詫。  
謂言妙處逼古人，  
世俗相傳信其真。

昔年夜到南屏山高堂素壁五月寒壁間舉目見修竹烟雨冥漠蛟龍呼童秉燭久不寐細看醉墨王蒙字固知蒙也好天趣畫師豈解知其意分枝綴葉人所知要外枝葉求神奇天機貴足不貴似此事不可傳諸師麟溪鄭君好奇士愛画猶能賞其趣嗚呼世間作者非不多鄭君甚少可奈何

送劉士端歸括蒼

憶昔高皇定華夏海內遘屯龍戰野帷幄謀三勳公君家中丞最瀛酒舳艫十萬搗虛來帆檣蔽空聲吼雷從容決策掃混寇手扶日月滄溟開盜犯洪都突彭蠡砲石星流湖水沸御舟閣河諸將譁神箭穿顛逆酋斃是時中丞謀略精指麾英傑江表平掀髯撫掌談世事天子稱善群臣驚竄區混一定勳賞鐵券金符頒土壤中丞獨擅烈贊功賜號每爲諸司長青田宰木三十年高皇仙馭亦賓天國初故老尚誰在幾人事業圖凌烟忽見聞孫三歎息秀目踈髯道像逼擬樹豐碑墓道邊欲請天朝重褒錫三真合喚問近臣先帝功臣今有孫胡爲拂衣入山去肝食未敢忘君恩海內只今無盜賊幽州與兵櫛邦國廟堂謀議豈無人我懷

中丞淚沾臆嗚呼志士古所稀留侯武鄉今是誰九原招公倘可作爲解  
四海蒼生危

懿文皇太子挽詩八章

盛德臨中夏黎民望彼蒼少留臨宇宙未必規成康宗社千年恨山陵後  
世光神遊思下土經國意難忘

文華端國本潛澤被寰區雲繞星辰劔春回造化爐變通周典禮寬大漢  
規模厭世嗟何早蒼生泪欲枯

監國禪皇政憂勞二十年龍樓方愛日鶴馭遽賓天已失羣生望空餘後  
世傳長江一掬泪流恨繞虞淵

相宅圖方獻還官疾遽侵鼎龜懸寶命笙鶴動哀音誰紹三王治徒傾四  
海心關中諸父老猶望翠華臨

三朝兼庶政仁孝感嬰孩萬歲千秋志經天緯地才未登宸極定忍見泰  
山頽聖子承皇業能舒四海哀

懿文光典冊善美過昭明曆數歸元子哀榮動聖情神靈遊帝所陵寢鎮  
天京誅德南郊在千秋有頌聲

淵默師成憲端嚴信若神承天行日月與世作陽春鏡意思寬政溫顏訪  
老臣至今江海士猶想屬車塵

斥土開培殿因山近翠微神輿離鶴禁天泪溼龍衣日月還丹闕風雲送  
六飛太平呈業固清廟詠光輝

峩眉縣晚發次韻

渡水藍輿穩穿林草徑微勝遊方外得樂事世間稀風過欹僧笠雲來掛  
道衣山林應待久好公莫相違

書事

伏枕三旬不整冠夢魂時復對金鑿忽聞盛事披衣坐今日朝廷立諫官  
二月十四日書事二首

斧戾臨軒几硯閑春風和氣滿龍顏細聽天語揮毫久携得香烟兩袖還  
風軟彤庭尚薄寒御爐香繞玉闌干黃門忽報文淵閣天子看書召講官

談詩二首

前宋文章配兩周盛時詩律亦無備今人未識崑崙派却笑黃河是濁流  
天曆諸公製作新力排舊習祖唐人粗豪未脫風沙氣難詆熙豐作後塵

魏澤

澤字彥恩深水人刑部尚書靖難後謫寧海典史錄方孝孺家時藏其幼子以故方氏有遺胤謝鐸詩所謂孫枝一葉是君恩者是也

過侯城里有感

笏與衝雨過侯城撫景依然感慨生黃鳥向人空百啀青猿墮泪只三聲  
山中自可全高節天下難居是盛名却憶令威千載後重歸華表不勝情  
顧起元

起元字太初高京人萬曆戊戌授花官止

拜方正學先生祠堂二首

白馬魂空結朱蛇識豈真九重原叔姪一死自君臣  
代人西山一杯土寂寞闕冬春

匿孤聞縣幕收骨有將軍禁密趣烹客心枯絕命文  
東雲勸進同時士麒麟自紀勲

鄭叅政居貞

居貞徽州人或云閩人洪武中以明經起家授鞏昌通判建文時為河南

試左叅政三年永樂初坐方黨死于南京

翩翩紫鳳雛贈方希直赴漢中教授

翩翩紫鳳雛羽翮備五彩徘徊千仞翔餘音散江海於焉覽德輝濟濟銷  
環珮天門何嗟峨羣仙久相待晨沐晞朝陽夜息飲沆瀣如何復西飛去  
去秦關外岐山諒匪遥啄食良自愛終當巢阿閣庶以鳴昭代

次韻方希直

闕下知名久相逢值暮春才華曾動主議論每過人漢水元通蜀台山亦  
近聞何時江海上尊酒話西秦

洪武癸亥以公事出會寧北境二首

北出長城古塞邊荒松落日少人烟隔河又是河西地過得燉煌是酒泉  
荒原人家今少存好田俱是官軍屯前山遙見黑城子渴飲不知河水渾

周紀善是脩

是脩名德以字行泰和人少孤力學舉明詩為霍丘學訓導高廟擢周  
府奉祠正升紀善改衡府留京預纂脩翰林數論國家大計指斥用事者  
誤國靖難師渡江宮中自焚留書別友人人薦天府學自經死

寓言

陰陽分晝夜輪運浩無窮時物更代謝孰知玄化工人生如夢寐即寤永  
成空幽觀衰榮朕往復邁旋逢鄙夫昧達識眇然隨所終賢豪關世運用  
舍合中庸進由吾大道退厲吾清風載歌紫芝曲不愧商山翁

長安古意

長安二月三月時千門萬戶春風吹綺構瑤臺高照耀香車寶馬並驅馳  
馳馳照耀皆豪貴九棘三槐夾三市鼎食鍾鳴將相家朱簾綉柱王侯第  
王孫公子盛繁華山珍海錯棄泥沙銀鞍斜度官溝柳丹轂橫移上苑花  
花紅柳綠春明媚嬌鳥亂啼花雨細瑤宮錦殿傍雲開鼙鼓龍簫震天起  
美人內屋艷神仙鉛華炫轉春爭妍燁燁珠屏交綵幄隱隱羅幃分玳筵  
蘭殺桂酒芬芳發象筋瑤杯光彩徹翠金金帶不暫停雕盤玉盃紛成列  
迴瞻複道接龍蹕都城佳氣正氤氳雙龍絳闕凌青漢九鳳紅樓徹紫雲  
紫雲翠霧碧烟空文窗藻檻何玲瓏流鶯獨繞昭陽殿芳草深迷長樂宮  
漢代中興富名將百戰功成心益壯閒來賭酒聚歡娛意氣相排不相讓  
半酣徑上寶釵樓赤闌四面俯皇州一羣粉黛成歌舞千種風流坐勸酬



樓前兩兩鶯鶯度樓下雙雙鳳鳳舉鳴璫背解玉纖輕弄色凝情羞不語  
就中心事可誰同平明扶上玉花驄自言百世無衰老自謂千載長英雄  
可憐光景留難住秋風一夕生庭樹歌亭寂寞荒草寒舞榭蕭條殘葉暮  
昨日紅顏美少年今朝潦倒那能數將軍舍外無人過廷尉門前堪雀羅  
吁嗟盛時不復作金莖銅狄隨消若君不見廣成山中白雲宿安期海上  
顏如玉軒轅已駕鼎湖雲漢武終歸茂陵薨別來倏忽三千年海水幾度  
桑田綠

畫龍歌

雲如車輪風如馬雷鼓碎旬電旗麥其中踊躍何爾爲無乃蜿蜒作霖者  
古來善画此者誰葉翁所翁稱最奇筆端揮洒絕相似亦有風雲雷電隨  
大梁徐公生卓犖自少以來深好學揮毫洒墨運天機鬼泣神愁日光蕩  
斯須縞素騰真龍莽蒼直奪造化工恍如列缺引霹靂欸若異二驅豐隆  
枯木槎牙頭角露鱗鬐雪花駭成怒劃然威掣海門開勁望層空欲飛去  
我時見画心膽豪拔劔起舞翻絨袍波濤萬頃東溟濶瘴烟千丈南衡高  
嗟哉徐公天相爾後恐無繼前無比酒酣神氣益洒然白日風雲窗戶起

為君一作画龍歌雷風激烈雲嗟嶺魚蝦混處不可久龍兮龍兮奈爾何

一壺酒歌

一壺之酒三四客閣煖爐紅牕月白圍爐把酒但飲之須臾相顧皆春色  
酒亦何美意亦何長人生百年內嘉會不可常且樂今夕同徜徉飛霜落  
盡衡陽樹哀鴻叫下瀟湘浦瀟湘浦九疑雲隔蒼梧路帝子香魂招不來  
空餘竹上啼痕處放歌一曲壯心悲天涯漂泊我何為明當徑度禾川水  
却望廬陵山翠端

商婦怨

作木莫作桑樹枝作女莫作商人妻桑枝歲歲苦攀折商婦年年感離別  
桑枝折盡猶解抽人老豈有重青頭強龍猛虎皆可執其奈夫婿心難留  
朔風吹江浪如屋椽樓嘈嘈行色促望殺蒼天哀憤深目斷雲山淚成袖  
何能化作橋頭燕到處飛飛得相見何能化作帆上風千里萬里長相從  
爺娘嫁我初何意但道商人每多利門前宴集盡與馬籠籠聘來足珠翠  
豈知今日遇分張輿馬珠翠看無光月懸別恨秋宵永花搖離心春草長  
妾心豈學道傍柳朝朝暮暮千人手妾心豈學空中雲變易隨時情何有

妾心可似南山石，雨打霜侵只如昔。更看歲晚不歸來，化作南山一拳石。

桑婦謠

採桑婦朝朝暮暮南園路，出入寧論晴與雨。蚕盛愁桑稀，蚕衰恐姑怒。大眠起來忙更忙，寢食不遑見不顧。年年養蚕多繭絲，身上到頭無一縷。小半輸官大半賣，線織未成先有主。可憐寸寸手中過，竟作何人襖衫去。采盡桑葉空留樹，樹下青青長麻苧。山雞角角終日啼，桑椹漸紅春雨住。妾尚無襦，夫少袴。

牧童謠

遠牧牛朝出東溪溪，溪上頭溪頭草短牛不住。直過水南芳草洲，脫衣渡水隨牛去。黃蘆颯颯風和雨，老鴉亂啼野羊走。絕谷無人驚四顧，寒藤枯木暮山蒼。同伴相呼歸又忙，石稜割脚茅割耳。身上無有乾衣裳，却思昨日西邊好曠坂，平原盡豐草短蓑。一臥午風輕，長笛三吹夕陽早。

茅都御史大方

大方字希董，秦興人。洪武間爲淮安府學教授，考績入朝，擢秦府長史。建文卽位，擢右副都御史。四年八月死，難。

餘州道中

大漠連千里平沙峙兩城昔聞賴土築今見綠莎生重譯來羌卒聯營列  
漢兵華戎俱混一無復請長纓

六月十六日端禮樓進講奉教賦詩次繆紀善韵

百二山河重鎮雄金城環遶宛如龍南樓勢插金冥表東井光連紫極中  
書演九疇宣帝範詩歌二雅正皇風儒臣進講思陳戒敢學楊雄賦漢官

送李曹公出鎮西域用張儀曹韵

麟符虎節寵恩新滿袖天香下玉宸五夜將星經昴畢萬年皇化被崑崙  
紫駝白馬蕃人貢赤黍黃羊漢卒屯聖主安邊恢妙美都緣保障爲斯民

送陳用中司訓先生還漢中

柳妥花殷食又寒渭城歌斷思漫漫萬山入漢秦關險孤棧連雲蜀道難  
躡背尋詩春正好蛾眉如画雨初乾勝遊歸後添佳趣爲寫新圖寄我看

再次登南山仰天池韻

一上終南望眼空長安景物画圖中花間鶯避春城仗林杪僧歸晚寺鐘  
渭水東流來鳥鼠吳山西下走蛟龍我生自信通仙骨便欲同琴列子風

塞門至銀州關道中

銀州西下忽都河胡卒東來唱舊歌  
星散諸營連坼埃雲屯萬里蔽沙陀  
自嗟出塞春光少誰道臨關月色多  
顧我鷓鴣形非燕領立功萬里定如何

登陘州回山

回山樓觀擁烟霞卽是瑤池阿母家  
萬里不來青鳥使千年空老碧桃花  
漢朝天子求丹藥瀛海神仙望翠華  
欲問安期杳何許滄溟清淺幾桑麻  
五月廿六日行營白海潯暑如內地  
悠然起林泉之思

石田茅屋瀼西庄修竹高梧六月涼  
翠簾風漪清入夢碧桐秋露冷生香  
飯牛不識堯年樂扣角猶歌子夜長  
今日駟馳歸未得却從塞外憶江鄉  
寄淮安守將梅都尉

幽燕消息近如何控扼長淮節鎮多  
縱使火龍蟠地軸莫教鐵騎過天河  
關中餽運蕭丞相海上樓船路伏波  
老我不才無補報西風一度一悲歌  
練都御史子寧

子寧初名安以字行新淦人洪武十八年進士  
第二人授翰林院修撰陞副都御史工部侍郎  
建文卽位累遷御史府左都御史文皇帝卽位

今縛子寧語不遜斷其舌遂族其家未樂時禁嚴有藏片紙隻字者皆坐  
宣德後少弛其詩文乃少出于世

題黃彥成雲林小隱

有客素肥趣幽居愛林廬結屋依  
其間老柳帶寒色芳蘭露春腴  
道樂有餘娛賓非肯酒飽食但園蔬流水赴  
遂誰能常晏如

水竹居詩

高人結宇脩篁裏軒戶玲瓏映流水庭臯月  
翠陰青浪映窗扉曲徑臺深客到稀林下移  
柴門無事臨流敞高臥支頤聽清響千山暮  
几席清幽俗事疎波光盡日映圖書何年得  
轉翠陰生溪上風回青浪起  
林揮塵坐沙頭繫艇釣魚歸  
雨石泉通一夜春雷擣龍長  
逐辭塵埃杖策相從此卜居

玉山謠贈時憲

我所思兮玉山之峩峩粲芙蓉兮凌并霄謠  
山謠熊侯家住劔江側慣掃秋山之黛色聞  
仙一去已千載至今誰續廬  
余此興爲寫之彷彿梅仙舊

時宅梅仙兮何在  
逆清風兮滄海寒  
夷猶兮孤舟吊遺跡  
于千載  
非凡流羗故人兮  
李與周  
按玉笙兮明月下  
黃鵠兮清秋洞天兮  
石扇蒼崖兮路轉橫  
余劔兮視八荒  
訪蓬萊兮幾清淺  
張侯兮昂藏  
驟白鶴兮青霓裳  
窺玉梁之寶笈  
醉石髓之瓊漿  
千巖萬轉路莫測  
酒酣一笑三山窄  
待得君王賜鑑湖  
錦袍重訪山中客

賦得孟義科斗送監生楊仲文歸台州親迎

孤石巉巖出紫烟  
雲根遺墨尚依然  
文章豈在龜疇下  
形質還存鳥跡前  
汲冢秋風思汗簡  
魯堂春雨閱韋編  
郎君歸去和鳴後  
織作機中錦字傳

送周望往四川

駟馬橋邊秋水波  
郎君此去意如何  
衡陽雁陣驚寒早  
巫峽猿啼入夜多  
一水東來通漢沔  
眾山西上接岷峨  
少陵祠宇清溪曲  
爲瀉瓊漿試一過

解嘲

秋來逸興浩如雲  
間拂霜華看劔紋  
莫怪風流謝安石  
未應憔悴沈休文  
驂駟神駿寧論肉  
鵬鷃身輕更出羣  
千載征南不穿札  
至今猶作晉元勳  
巳丑三月訪子白兄於秦淮橋

五月南風水倒流  
秦淮橋下問扁舟  
穿花燕子羽毛濕  
隔水人家門巷幽  
心憶庭闈瞻楚樹  
身陪冠冕侍瀛洲  
吾兄歸去如相問  
衣采終期慰白頭

送周澄之歷城

難兄佐邑持風裁  
令弟辭家篤友于  
風雨幾年疎共被  
關河千里轉征車  
天垂鉅野河流急  
秋盡江南木葉疎  
他日到官煩問訊  
琴堂詩思夜何如

寄曾得之

高鳥知還久  
倦飛分甘萬里邁  
王畿虎頭食肉侯  
何用鷄舌含香事  
已違博望尋源經  
月去長卿喻蜀暫  
時歸寄言玉笥雲  
中客終擬相從採  
蕨薇

秋日作

水精簾動桂花風  
湘簾涼生八月中  
魄落西窗銀燭裏  
烏絲雪鬢寄秋鴻

罷直圖

草詔下金鑾  
宮槐白露寒  
紫駟驕不控  
胡月在闌干

謁安慶余忠宣祠

將軍忠節貫荆襄  
千載精神日月光  
血戰孤城身已殞  
名垂青史汗猶香  
殘碑墮泪空秋草  
折戟沉沙自夕陽  
我亦有懷追國士  
爲來感愴莫能忘



黃太常子澄

子澄名湜以字行分宜人洪武十八年進士第一人授翰林編修伴讀東  
官累官太常卿太孫卽位倚任子澄 文皇帝靖難執子澄責問族其家

聞李景隆敗績紀事

仗鉞曾登大將壇貂裘遠賜朔方寒出師無律真兒戲負國全身獨汝安  
論將每時悲趙括攘夷何日見齊桓尚方有劔憑誰借哭向蒼天幾墮冠

黃待中觀

觀字瀾伯一字尚賓貴池人初從父贅姓許受學於黃嘒嘒死節益自厲  
洪武二十一年會試廷試皆第一人授官翰林累升禮部右侍郎建文中  
改侍中掌尚寶司事與方齊並見信用奉詔募兵上游聞建文君避位投  
李陽河湍流中死其妻翁携二女先投淮清橋下死

送趙彥玘都事

石頭城下自分携無復連床聽曉鷄故里音書寒雁香空江雲樹暮天低  
春來白下孤新約夢去花間憶舊題猶念雪深留宿夜酒醒詩就小樓西

王修撰叔英

叔英字原采黃巖人洪武末爲學官建文元年召爲翰林修撰靖難兵逼江  
奉詔募兵行至廣德沐浴衣冠書絕命詞藏裾間自經於玄妙觀銀杏樹下  
次韵奉和仙居知縣程奉民述時君爲人所誣方就逮而有是  
麟鳳在赤霄黃塵亂豺虎嘅息道路難滂沱每交下吁嗟壯士行或有神  
靈護雲電以爲旌雷霆以爲鼓縱有斧鑿手何能重傷女醜類自含私昊  
天明有覩

孤桐生崇岡一首贈友人

孤桐生崇岡托根亦已高嚴冬風雪繁枝葉成蕭條根本具生意又逢雨  
露辰未終憔悴勿爲樵牧侵韶莢如可作遲爾爲瑟琴

卓侍郎敬

卓字惟恭瑞安人洪武戊辰進士除給事中歷陞戶部侍郎建文時屢陳  
國家大計靖難兵渡江被執抗論不屈斬之夷三族宣德中廬陵劉球得  
其畫像及遺文于公門人黃朝光之于養正爲之立傳私謚曰忠貞

墨竹

洞庭水落水生波月入斜窗露氣多虞帝不歸秋自晚滿江烟雨泣湘娥

栽梅射洪謝東山云朱句乃宋人編翰詩

嵐流東閣題詩客瀟洒西湖處士家雪冷江深無夢到自鋤明月種梅花

程僉都本立

本立字原道桐鄉人國初舉明經秀才洪武十三年除周府禮官從王之國進長史被累謫雲南馬龍他郎甸長官司吏目建文初徵入翰林充太祖實錄纂修官陞試左僉都史坐失陪祀調江西按察副使未行聞燕師靖難自縊死所著巽隱集後百三十年福建布政使吳昂刻於閩

雪佛碑

天花陰墜空平地忽三尺異哉西方神現此水精域胎非託摩耶意匠勞刻畫乃瞻白玉相安用黃金飾一洗熱惱心悉依清淨力紅日起扶桑終焉化無跡其無本非空其有亦非色君看東逝波滄海不可測我來鳳凰溪古寺久荆棘摩娑雪佛碑碑斷字莫識金石亦已壞况非金石質萬事等幻影感之三歎息

贈商潛戴珪

釣澤可物色力田亦名科疇云山林士不爲漢網羅有客善沈晦古鏡垢

弗磨行貨區寰中遠遊笑且歌驅車太行坂振柁楊子渦雪濤接漠溱空  
翠亘嵯峨險途亦良苦勝覽不旣多得酤百錢酒輒使兩頰酡乾坤一睥  
睨萬物如爾何我昔巖壑屨幽期結雲蘿今悲白黑染豈幸青紫拖夷門  
官舍冷愧爾頻來過將詩勿浪傳爲我自吟哦

過黑石渡

却山障黃河洛水崩黑石方舟載車馬烟雨行人立我昔將王命北渡祠  
河伯茲來復帔傳觀者笑曾識聖君禹功齊神龜當復出

出洛陽城

輓輶上天津伊闕當我前連峰左右起奔走相後先古來五嶽內嵩高極  
中天儀刑正四表襟帶流三川河山固王室豈直金城堅漢業此中興周  
都竟東遷壯遊快一覽遺跡悲千年頽垣舊誰築野蔓栖朝烟

惠雲塔

老禪西來兜率宮金曇舍利開芙蓉平地起作寶光相七級上凌天九重  
摩尼頂珠現穹碧丹霞掩映鷄足峰八窗玲瓏懸皎月層欄翠滑扶神龍  
我欲乘虛求帝釋雲梯高峻紅塵隔簷鈴停語寂籟冷白鶴飛下蒼烟夕

題竹石小画

玉堂仙人松雪公寫竹正似石室翁雲林道人雖出後往往落筆生秋風  
吳人好書仍好畫百年遺墨千金價比來何處得此圖松雪雲林此其亞  
娟娟嫩玉纔數莖烟梢雨葉縱復橫洞庭寒骨沈水底鐵索下取蛟龍爭  
却憶江南舊池館筆牀棋局何蕭散一行作吏事便廢十年不歸夢欲斷  
松雪子孫今幾人雲林弟子誰逼真得歸故鄉倘相覓竹枝掛我頭上巾

合州

合州樓前江水合合州樓外青山匝倚樓西望雨漠漠順水舟來飛兩楫  
關州山水天下稀不如合州可忘歸街頭彷彿吳門市人家瓦屋白板扉  
買魚沽酒醉今夕相逢誰是吳門客鷄鳴風雨夢初醒隣桃輒輒村春急

銅梁縣

銅梁縣庭公事少銅梁縣市官橋小上山下山石作街街南街北人家好  
人家好農不好商婚男嫁女不出鄉香芹煮羹飯有稻木綿紡絲衣有裳  
陳郎邀我青樽滿情多已覺迴鞭懶酒酣欲寫銅梁歌百錢買筆紫羅管

浴鳳沼

鳳鳥從何來來止桐溪傍錦毛濯春雨綵翮歸朝陽蘋藻動浮彩蘭芷吹幽香鳳去今不返空餘鷗鷺行

桐溪

梧桐蔭清溪溪水波粼粼上有五色鳥下有黃金鱗秋雨洗白石春風生綠蘋願學羊裘子時來垂釣緜

橫湖

橫湖如匹練風景此中稀日暖赤鱗躍天晴白鳥飛寒松蟠石岬春水沒苔磴光度斜陽晚漁舟渡口歸

東山

步彼東土山惘然思謝安草露溼我衣海日升巖巒愧無如花妓醉舞追前歡飄飄谷風來吹墮頭上冠

題李典儀雲東卷

母老今猶健兒行久不歸一官淹白首萬里夢斑衣越郡東溟濶秦關西日微只將雙淚眼日日看雲飛

許州東屯雜詩

丘園莽蕭瑟客子暮徘徊山是釣州起河從鄭邑來  
衣冠餘古墓歌舞只荒臺野哭誰家婦秋聲助爾哀

明發昆陽自此入山四望空寂情甚無賴因以自遣

水窮山路轉雨斷塞雲迴冉冉行人至荒荒落日催  
百年消着屐萬事付啣杯不識昆明底何人見劫灰

過嶠旬始見禾泥蠻數家有叟携酒過水見土酋飲道傍僕從皆

飲酒盡乃行有作

山斷村纔見溪迴路忽逃販茶非土獠勸酒是倭侏  
碧樹排雲直青秧插水齊欲忘鄉土念多事子規啼

晚至晉寧州

落日孤城小輕烟一水斜青山蒙氏臉綠樹夔人家  
絕塞無來雁荒城有噪鴉多情此州尹勸酒說京華

送景德輝教授歸越中

撰刻宋學士

斗酒都門別孤帆水驛飛青雲諸老盡白髮幾人歸  
風雨魚羹飯煙霞鶴氅衣溪山無限意予亦夢柴扉

乳石詩并序

象賢奉常得異石于演樂堂典寶周翁識之云道州乳石也奉常欣然以詩見遺余嘗怪李翰林集有云荊州玉泉山多乳窟中有白蝙蝠飲乳水而長生其大如鴉典寶荊湘人欲一問之未暇也今以道州乳石言之則荊州乳窟可知矣然又聞王烈入山得石髓青泥流出隨手堅凝氣味如杭飯按仙經云服之壽齊天地竊謂髓之與乳皆石之脂也髓其凝者乳其液者乎服髓者壽則蝙蝠飲乳而不死亦無足怪矣獨未知遯世長往之徒亦有服乳而長生者乎因賦詩答奉常并呈長史公且欲質諸典寶翁也

聞道山中乳窟多乳泉流出石爲窠洞門到夜飛蝙蝠驛路何年截索駝  
野色忽看新崕屨水痕猶認舊漩渦豈無青髓香如飯老我黃塵奈爾何  
過五河縣

龍窩驛近鼓聲催轉柁傾帆沙呷隈共指深淵最空洞豈無神物待雲雷  
風晴楊柳如看画水絲蒲蒻始潑醅浩蕩好懷春色裏詩成南雁忽飛回

高郵夜泊



城樓月色見觚稜城下官河夜欲永返照疎林皆野燒殘星別浦是船燈  
腐儒食祿曾無補倦客思家已不勝春雨五湖烟水濶荷蓑歸去下魚罾

和貝惟學登小孤山韵

西來風浪湧金山人在鴻濛沈澆澆間大地小孤天柱石長江第一海門關  
鮫人夜泣珠成泪龍女精梳翠作髮欲問靈巫報神語我行何日定東還

喜晴

夜雨朝晴喜欲狂西屯騎馬過東岡不妨逐兔爭牽狗切莫驅狼使牧羊  
野日孤營無細柳天風十月有枯桑歸來又飲將軍酒一醉都令世慮忘

嵩盟九日次井泉百戶韵

天涯九日一登樓應是黃花笑白頭脫帽不妨同醉倒拂衣安得便歸休  
山盤晴谷深藏寺水縮寒溪淺露洲上馬荒城向昏黑休教鼓角起邊愁

送魚課司使霍思誠赴京師

三年官守滯蠻荒萬里羈魂度太行居有馬羈留客坐食無魚鮓寄親嘗  
晴天梅樹常含霧臘月山花不受霜辭滿得歸人共樂將詩送別意茫茫

送人致仕歸越

老臣殊荷聖恩寬詔許還家授散官賜杖未携鳩玉小誥綾新織朵雲團  
西窗夜雨銷紅蠟東閣晴山擁画欄子去我留翠不媿鑑湖他日請黃冠  
滇陽二月罌粟花盛開皆千葉紅者紫者白者微紅者半紅者傳  
粉而紅者白膚而絳唇者丹衣而素袍者殷如染茜者一極而  
具數色絕類麗春譜之所云

鄮關東風不作寒米囊花似夢中看珊瑚舊是玉孫瑛瑪瑙猶疑內府盤  
嘶過驛驢金匿匪飛來蛺蝶玉闌干瘴烟窟裏身今老春事傷心思萬端  
晚至安寧

連狀驛路馬曾諳落日行人思不堪地極九州銅柱北山蟠六詔鐵橋南  
湯池水底皆陰火鹽井烟中半夕嵐迴首蓬萊天萬里忍教塵鬢白髭髭  
自姚安出普洲

層關飛鞚出寒雲萬木歸鴉亂夕曛山自蜻蛉川口合路從鸚鵡嶺西分  
道傍築室新成市塞上屯田久駐軍遠客誰無鄉土念悲笳吹動不堪聞  
鶴慶驛會吳人馮廣文聞人林稅使

馬蹄蹴徧陰厓雪直向居庸塞外行日落忽聞牛背笛川平始見鶴州城

秋風千里剪絲滑  
暑雨三山荔子生  
遷客相逢話鄉土  
天涯何限未歸情  
送教授致仕歸金華

六十看山眼未昏  
草堂歸去臥烟村  
朝廷已許乞骸骨  
衣食未須憂子孫  
上馬天風吹蕭帽  
落帆江月到柴門  
蕢芹炙背區區意  
他日難忘獻至尊

揚州二絕句

遠水疎星影動搖  
西風落木景蕭條  
傷心一片船頭月  
猶照揚州廿四橋  
揚州城下是官河  
春雨春風自綠波  
欲問繁華舊時事  
太平遺老已無多

題山水釣漁小画

人間萬事一絲禱  
江上數峰雙眼明  
老我不歸空看画  
秋風又到洛陽城

題梨花錦鳩圖

萬花深處語黃鸝  
花底能無挾彈兒  
自在兩鳩春寂寂  
一枝晴雪立多時

華陰駐馬橋

絕谷層關路屈盤  
斜岡側嶂石巉峴  
今朝駐馬橋頭立  
華嶽三峰正面看

宿普安

漢婦良家子  
從軍歲月多  
生來小兒女  
吟得楚人歌

張尚書統

統字昭季富平人洪武中歷官通政司叅議出為雲南叅政三十一年召為吏部尚書靖難後太宗召諭解職務給半俸居京師自經吏部後堂死一妻二妾二子六奴隸相繼投池中死

登太華寺二首

太華巖峨一望遙到門猶礙過溪橋慈雲長見塔前起孽火都來海上消  
屋近樹陰晴亦暗硯涵竹露夜還潮從今剝買遊山屐野客無妨屢見招  
連日登山意未闌今朝又宿白雲間簾幃寂寂心初歇星斗垂垂手可攀  
竹葉煮湯消夜渴杏花留雨作春寒碧鷄且莫啼清曉一枕華胥睡正安

贈周玄初尊師

仙翁長鍊九華丹時有龍來問大還曾捧靈符歸海上故將霖雨洒人間  
紫簫吹月鸞雙舞白氎披雲鶴共閑蘭圃未滋春向暮早須一嘆破天慳

唐侍讀之濬

之濬名愚士以字行山陰人應奉肅之子建文二年以方孝孺薦召為翰  
院侍讀明年病卒建文帝詔給舟歸葬愚士長身巨鼻博聞多識練達

世故長于詩翰父謫死臨濠求其遺文雖荒郵敗甕高崖斷石靡不哀訪  
纂錄時時伏讀聲泪淒咽聞者掩涕洪武中爲李景隆子師數從景隆  
歷燕薊周秦各都故跡酒酣以往作爲謔詩高咏擊節其詩尤雄萬而今  
多不傳可惜也

對酒亦曰偶會行

對酒勿傷偶會何常今日同堂出門異鄉同堂之樂樂過千春來日大難  
苦口焦唇翩翩飛燕冬藏秋見邕邕鴻雁翔翔雲漢顧爾百鳥嘯侶鳴儔  
我欲彎弓其聲喞喞此物雖微拙誠所慎愛屋及烏柔遠能近吳中白苧  
細若縑素製爲君袍願君永御

會慶堂

飄飄山上雲乃在谷中藏風吹萬里去何當還舊鄉阿翁昔居鄉黑髮坐  
高堂手栽堂前樹日夕望陰涼不意偶飄逐雲路浩茫茫阿翁今來歸樹  
已如人長閭里相慶賀出入有輝光東畎種菽粟西畎種稻粱南畎種苧  
麻北畎種桑柘收稻持作飯采桑持作裳上以輸井稅下以奉蒸嘗阿翁  
有兩兒兩兒復有郎蟄蟄宅中居姘姘有義方阿翁升堂坐子孫列兩傍

阿翁出門去板輿相扶將日人始言婦侍婢獻羹湯人生貴慶樂此樂殊  
未央傳與翁後人守之慎勿忘

毛滄兒歌

毛滄兒毛滄兒滄兒生在蘭滄西蘭滄去天萬有三千里土人花脚金兩  
齒滄兒之父名聲達天子天子遣使遠召之滄兒隨父來京師滄兒年幾  
何三歲尚不足兩歲頗有餘頂犀眼漆唇抹朱學語未成意態殊麒麟之  
子宛馬之駒非自絕域升天衢人言傳書有種非爾雖爾父年幾何五十  
逾六未及耆十五年落西南夷西南之人愚不識長官麾呵婦女咲罵兒  
童欺昔辭鄉里六親俱白髮黃口何繫累一家盡死一身在載錫爾胤惟  
有天公知天公知又錫爾爵冠帶而裳衣脫爾介冑參龍虎夔毛滄兒毛  
滄兒好兒子爾父老矣望爾似爾似爾父爾宗有光祝爾長大無諸禍歿  
吐爾錦心繡腸出擅昭代之文章如馬班燕許鳴漢唐毛滄兒毛滄兒父  
友作歌聽勿忘

詠高麗石鐙

竅石燭幽遐虛明詎異紗珠從箕子國燕向竺王家耿耿知懸爐亭亭詠

作花定餘神自照經殘漏欲除願持明慧境揚彩徧河沙

送貢先生五十韻

先生京國來稱有母氏喪問之幾何時二十餘星霜八月發秦淮九月下  
濤江旦聞雲海滴夜視星斗芒短服雙鬢禿一里一葦航山迴指會虬孤  
城水中央昔雖堞未建今青青者楊傷心至正末四海沸鼎鑄縣官高不  
聞藩將貪如狼城守人自敵樂禍甘不祥一家嘗此時赤脚相扶將水行  
乏舟楫陸又無僕僮俄然母疾革藥石不可攻盪乎屬纊際疾歛不及停  
藤皮束木匣蕩葬東城傍對餐豈暇飽欲哭且吞聲奉父復西邁乞食三  
吳中三吳魚米區辛苦副所望一留日頗久沈痛割中腸越山豈不佳不  
及我故鄉故鄉旣已通寒暑亦已更蹉跎歲月晚念之顛且僵松楸日凋  
摧白晝狐狸鳴死者若春雨生者如晨星今日復何日夙負始克償日出  
啓母殯慟哭天無光黃昏間娥水又欲趨四明云有一長兄客死與母同  
翩翩兩丹旒逝欲共回翔走也忝越人知先生甚詳先子背筮仕與子同  
榜名先生文章族冠蓋望宣城公侯卿大夫郡守尚書郎下者仕州縣富  
貴莫與京先生蚤有聞秀出子弟行玉盃露學曳履升其堂手中金僕

姑一發必疊雙大官走致饋掃閣拜於庭執經問誰來無非侯與公家學  
遠不替新聲日揄揚况先生孝弟至性合天常明神鑒在茲母允得返葬  
紛然鴟梟群歛見孤鳳凰白華古筮詩棠棣歌眷令錫類者頡叔感寤于  
齊莊善始必有終天祿非所量宣之山岷終南湖水泱泱玉衡夜插子寒  
日朝在房少恐慎眠食善達無咎殃我歌代虞殯竊喜還竊傷

石鼓詩

洪武丁卯秋九月余在燕城觀石鼓因賦四十韵已巳三月鄉友趙搗  
謙氏持鼎本來京師俾余錄諸卷尾

郡學舊辟雍中有岐陽鼓古今所聞十左右各惟五離離大星隕兀兀壤  
雲補纍纍管窺滅落落陳沙聚質若切玄玉制若覆冷釜氣若鎔五金文  
若斷釵股孤峰割秋瘦千葩糴春嫵森嚴列戈矛爾雅冠章甫厓水溜靜  
懸海暖浪掀舞摧輶半折軸敗舫或遺舫小龍彭蠡端大鵬扶搖舉斷首  
明碎錦古墨漬潤礎思昔委秦郊雷電驚草莽未牛礪其角繫白加以作  
幸今依鬻官星日照廊廡圭璧遜其儀俎豆與之伍脫非天意憐或是神  
叨祐深簷白晝永老屋祥鬻肅晴連畫戟陰冷濕宮牆雨諸生獲講解髦



士資訓詁啓論煩豎關搨本利商賈韋辭表姬周韓語懷李杜雄章  
劍遺恨寄酸楚紛紛歐蘇作詰屈鄭吾譜稱評雖靡定仿像詎非古  
千載下匏繫三江滸神徒馳周南足不出城府適從遼碣役遂作幽燕旅  
平生慕奇聞一日獲嘉視初臨色愈莊欬狎氣斯沮如親至東都揖讓申  
與甫如親與田獵搏攫兕與虎如虛藜覓腹烹太牢肥豕如洗蜩蟬耳聆  
笙磬祝敵羈愁破昏憎喜氣洗眉宇時維躔壽星歲甲在疆圉天寒號鴟  
臬城荒茂禾黍宗周本余懷覽古亦天與摩挲重圖訓蹶踏愧庠序聊陳  
曹鄴風式繼韓蘇武

嚴子陵墓

昊天厭新亂炎劉嗟復然天子吾故人不事胡其賢維此一坏土鱸魄之  
所存清風激巖谷勁氣出蕭蘭中有高空雲日夕相與旋化爲千尺虬下  
飲清冷淵爲霖旣靡試翻身人長烟猶疑動星辰亟去不敢遭我見重再  
拜毛髮凜衝冠緬懷東京日惕然思執鞭

柯亭

蔡子橫笛處名存音則亡常時亭上人念此一慨涼惘然官塗迥雜樹夾

疎篁先秋氣已襲  
飄爽若含霜  
漁樵夜各歸  
月出斗有芒  
微雲翳河漢  
龍火干正陽  
狐狸草中號  
熠燿又宵行  
龜亡鳳不至  
何以尉軒皇  
我有嶰竹枝  
頗復諧宮商  
藏之五百秋  
正氣慘不揚  
天地所愛惜  
神人共嗟傷  
恒願起九泉  
從子返虞唐

題高氏挹翠樓

疏樓壓潛玻璃光  
玉沙粼粼生象牀  
牀回唐雜華  
綉春霧江女濯  
錦胭脂香  
東風夜入蒲芽紫  
暖綠搖空一千里  
倚極情關泛  
澗明并刀剪得  
銀河水  
水窮雲闕露微嵐  
遠碧斜飛十二簾  
日晚愁吹簫  
底月小龍行  
雨過江南

元夕東池上作

未老只傷離  
春霜著鬢絲  
纔過拜年日  
又屬放燈時  
頭重生  
惜酒心間熱  
品詩此身萍  
葉似漂泊  
偶東池

元夕次孟熙韵

今夜越王臺  
蓮花匝地開  
星河低熾炬  
歌管散銀盃  
水向銅龍滴  
香從妓  
妓米遙  
伶多病客  
江館咏寒梅

營中閒夜六韵

閒坐樂從戎將軍得上公佩刀懸玉虎  
釭爐剔金蟲遠柝微侵月清笳迴  
帶風香騰爐面紫火箭頭紅舞劍知書法  
談碁識戰功明朝當閱武傳  
令選珣弓

和答孟熙見貽

晚天涼雨碧雲收竹几藤床只卧遊  
出海鼓笳天上曲夾城風雨驛邊樓  
常時中酒翻疑病此日懷人况是秋  
忽得錦郎寄來什贖將詩思滿汀洲  
長安留題

曉閣疎鍾午店鷄客途風物賸堪題  
葡萄引蔓青緣屋首着垂花紫滿畦  
雁塔雨痕迷鳥篆龍池柳色送鶯啼  
前朝冠蓋多黃土翁仲淒涼石馬嘶  
秋後懷孟熙

西風卷海作濤聲燭影簷花徹夜明  
况有懷人心似雨暗隨秋點出江城  
次孟熙韵

百頃清江一草廬鄉人齊識病相如  
不知吟得秋多少柿葉紅時好細書  
望仙樓圖

馬聲龍影半天來月殿霞扉次第開  
一自踏歌歸碧落人間空築望仙臺

俞都昌貞木

貞木初名楨字貞木後以字行更字有立元季不仕洪武初以薦知樂昌縣後改都昌罷官家居郡守姚善延以訓子以鄰人事連坐逮詣京師卒建文三年七月也劉鳳記云以勸姚守起兵為衛尉執送死之誤矣俞氏為吳中世儒貞木祖石礪先生琰精于易居吳城之南園號南園俞氏貞木自都昌還僅一弊筐以布裹物甚重家人啓視之乃官上一斫柴斧耳其清苦如此貞木無子以族人子毓為後毓孫元育無妻子入存卹院吳文定云

題倪雲林画

栖神山下玄元館華表巍然窅未歸寂寂小亭人不見夕陽雲影共依依

題趙仲穆画馬

房星方墮墨池中飛出蒲梢八尺龍想像開元張太僕朝回騎過午門東

龔安節詡

詡字大章崑山人父督洪武給事中戊午開死大章年十四勾補伍調守金川門靖難兵入大慟變姓名王大章避婦方大索夜走任陽投馬陳二

氏匿大園中卽園中讀書間夜渡婁省母更二十餘年禁稍解  
人固知之無告者周文襄撫江南具禮訪問便宜兩薦爲學官堅不應曰  
詔老兵仕無害恐負往日城門一慟耳無子獨與一老婢居破廬中有田  
三十畝種豆植蔗歌咏自得年八十有八卒時整冠端坐誦大學一章有  
氣起屋上門人謚曰安節先生

饑鼠行

燈火乍熄初入更饑鼠出穴啾啾鳴嚙書翻盆復倒甕使我頻驚不成夢  
狸奴徒爾誇啣蟬但知飽食終夜眠痴兒計拙真可笑布被蒙頭學猫叫

誄紙被

紙衾方幅六七尺厚軟輕濕膩而白霜天雪夜最相宜不使寒侵獨眠客  
老夫得此良多半舊物寶愛同青氈不論素纈出南海豈羨文錦來西川  
受用將圖此生過爭奈義孫要與阿翁相伴以阿翁夜夜苦丁寧莫學惡  
睡驕兒輕踏破

偶題逸老菴

居臨流水紫紵門對青山突兀四時風月雲烟總是吾家舊物但知安分

休休不作書空咄咄且喜盈樽有酒何羨滿床堆笏君不見朝來簷日煖  
融融笑看梅花坐捫虱

禿奴詩戲寄沈誠學

東村二八張小姑鬢髮油油如漆烏朝朝不惜五更起對鏡千梳并萬梳  
爭似吾家阿奴禿落落數竿剛後竹一生不費膏沐資日出酣紅睡方熟  
君家有婢亦如此何幸少年猶有齒夜寒聊取代湯婆殊勝當年玉川子

梅花莊詩爲朱明仲賦

先生卜築吳城曲賸種梅花繞吟屋自期歲晚供詩料豈慕平泉與金谷  
花開時節天正寒雪花亂灑迷林巒杖藜引鶴飽幽翫不與梨雲同夢看  
啼來袖手寒窗坐石鼎有茶爐有火神交不覺兩忘情誰是梅花誰是我

爲彥中題畫

青山之青如佛頭白雲化作寒泉流世間塵土飛不到眼中景物俱清幽  
蒼人自是好靜者豈非五柳先生儔每托琴樽寫高興脫屣樂從魚鳥遊  
却笑時人苦不達漏盡鳴鐘猶未休君不見小虞塘西玉峰下一巷已  
吾菟裘共論心事背相過斗酒當爲山妻謀

甲戌鄉中民情長句寄彥文布政

景泰五年甲戌歲正當南畝耕耘際忽然驟水漲江湖湧浩漫良可畏  
更堪滂沛雨兼旬大岸小塍俱決潰田家男婦犇救忙力竭氣窮無術備  
沉窳產蛙雖古聞今實見之非漫記東隣西舍咫尺間無舟不得相親慰  
况逢缺食方阻饒女哭兒啼割心肺哀哉此情當告誰上有青天無地  
悲懷暗嗚無一言兩眼相看只垂泪官倉儲積豈無粟有司各出牢封記  
千年汲黯今無人誰與皇家壯元氣縣宰懼難伴風顛飽食閉門經月睡  
一朝謀定人不知半夜携金遠逃避郡侯坐視付不知但挾娼優日酣醉  
徇私掘去抵湖堰橫流自此無能制甫差周倅問疾苦攫去白金如土塊  
府公唯責舊負逋不問蒼生問魚鱸按察徒懲小小疵曲徇鄉情舍錢獎  
便宜太保幸見臨香火滿城人鼎沸群姦媚事靡不爲溷浴都將布衣編  
令行雖僅免輕徭薪米從茲價增倍勸諭賑給浪得名偽錢糠粃成何濟  
雖擒妖人許道師多少無辜枉遭累一夫一婦皆王民鼓弄如何等兒戲  
昨來輕發激變語聞者至今猶戰悸功能人苟得專殺法律底須存八議  
萬一有失忠義心宵旰深憂豈微細乃知不學無術人隘陋終同斗筭器

婁城老卒張文翔不忍儉邪肆欺蔽片言出口禍卽隨從此無人觸奸吏  
只今所在皆凶荒未必不繇斯道致朝廷若不懲此曹無日可回天地意  
嗚呼我民今年性命已難保明年豈有全生計老夫殘喘不足惜橫死深  
哀後生輩昨夜虛齋聽雨眠轉輾不能成一寐起來賦得民情詩惠政思  
君錄相寄

右拙作奉寄彥文布政賢侄相公庶幾得審鄉曲真情非敢招人過也  
此輩無活人手段但有殺人手段是詩萬勿示人毋使老拙復作張文  
翔也然老拙餓死有日恐不久於世他日歸省之餘幸致一樽酌我於  
溝壑中耳是年六月望日因人便書此以告別

寓意

天上雙星有常處夫爲牛郎婦爲女東西相望自年年只隔天津一泓許  
畊田匪易織亦勞不得從容相慰語傷心一掬泪如珠洒向人間作秋雨

竹枝歌

朝見浮雲飛出山暮見浮雲飛入山浮雲自是無心物郎旣有心胡不還  
詠湯婆長句寄談勿菴勉之共發一笑



歲晚江鄉雪盈尺小齋不禁寒氣逼先生獨臥不成眠兩脚渾如水中石  
今宵何幸得溫溫伸去縮來隨意得非開被底別藏春深藉湯婆有餘力  
此婆生來名阿錫紡織無能有潛德緘口何曾說是非謀身不解求衣食  
寂寂無聲伴到明不作驕癡取憐惜君不見此婆有妹名青奴骨格玲瓏  
如姊默不容暑氣侵肌膚亦與先生舊相識只因寒暑不同時棄捨塵中  
倚空壁

過顧玉山舊宅二首

阿瑛舊宅綽山前父老猶能話昔年樓閣儼如真洞府主賓渾似小神仙  
花時不絕笙歌宴門柳常維書画船肯信只今無片瓦平蕪漠漠鎖寒烟  
當時富貴號無前屈指繇來未百年好事主人金粟老能文館客鐵龍仙  
歌兒舞女花間席茶竈筆床湖上船今日我來都不見數家田舍起炊烟

白題晚歸圖

紅樹離離映夕暉水天空濶雁高飛扁舟一箇輕如葉常載先生半醉歸  
與王忠孟登玉峰共飲春風亭

山水千重複萬重少年相別老相逢春風亭下一杯酒山色不如人意濃

孟知縣忠

忠字廷臣崑山人洪武初以賢才薦授武寧知縣革除後 文皇帝思高帝舊臣欲召用堅辭不赴賜敕嘉之以壽終于家

登馬鞍山感述

汲水堤邊楊柳花東風吹散五侯家江南一公繁華遠夢覺青山自煮茶

樓侍講璉

璉字上連金華人嘗從宋濂學洪武中召為御史謫戍雲南建文初以文學舉入翰林 太宗命方孝孺草登極詔不可改命璉及王景璉惶懼不敢辭歸一夕自經死

題深上人松月軒

夜月明松頂軒居不掩扉石泉沉溼翠碧瓦弄晴暉林靜猿初息巢空鶴未歸此中凝坐者寒沁薜蘿衣

送鏡中照上人兼柬斗南和尚

舊住扶桑第兇山偶然踪跡落人間蘿衣拂露辭秋壑藤杖扶霜度曉關滇海飛來孤月小點蒼留得半雲閒殷勤為報圓通客鶴背清風好共還

袁敬所

袁敬所者不知其名永樂初流寓常山之松嶺為人易直善飲飲酣輒書淵明五柳翁詩書罷擲筆悲吟繼以澀泪又嘗夜宿旅志聞人行聲披衣起題詩于壁悲吟達旦江右布商見之曰此吾鄉某編修何為在此袁趨掩其口商佯不顧而去後十餘年贅一髮婦死婦家

題淵明五柳圖詩

藜杖芒屨白布裘山中甲子自春秋呼兒點先帝門前柳莫遣飛花過石頭

宿旅舍題壁

布被藜床醉即休蛙聲聒聒屋簷頭驚回一枕瀛洲夢碧樹啼鵲血未收

馮翁

馮翁不知何許人在夔州為童子師題詩稱馬二子或馬生或塞馬先生嘗作詩大書壁間見補鍋匠婦即刺去時益永樂甲申乙酉間

夜夢何奇特龍飛天漢津朝橫滄海曲夕過滇池濱光霽皆五色蜿蜒無損麟淵田變化間張主藉高曼

蜀中峨眉亭詩

一曾忠臣九族殃全身遠害亦天常夷齊死後君臣薄力爲君王固首陽

列朝詩集

甲集第二十二終

列朝詩集

甲集第二十二

補詩

方正學先生孝孺十首

食羊虎肉

白額咆哮振山谷老羝見之驚且伏一朝強弱兩不存此肉都歸野人腹  
腹中惟恐相啖吞急呼美酒為解紛酒酣一醉更懷古千載英雄燕與虎

感舊九首

雄文不見林公輔病眼荒荒何處開將相亦輸天上藥多情吳向世間來  
盃酒論心有幾人天台張穀舊相親近來詩句多奇語清比藏真更絕倫  
精通八法揚文遇暗誦五經陳用中揮翰天庭應獨步公僕村巷欲成翁  
翰苑暫歸盧太史銓曹已失鄭郎中名高金殿龍頭選名盛蒼山馬鬣封  
林鄭為文學我家波瀾議論無涯兩年不見何時到望斷嶠江八月槎  
博陵博士才華盛漢上野人道術卑欲寄一書無雁過相期千古只心知  
立言溫粹懷陳采肆筆縱橫憤鮑罔若使韓門如接引未容湜籍獨升堂  
王郎遠逐雲中戍許子俄為地下郎重訪舊人尋舊迹橫雲溪月總堪傷

多病深知志術荒  
中年苦復賦文章  
欲圖天地相終始  
肯與時人較短長

茅都御史大方二首

行營漫興

北地得春晚  
蕭關積雪多  
風雲驛部伍  
旄纛遍山河  
羌笛翻胡調  
秦兵襍楚歌  
漢家飛將在  
不必問廉頗

題揚州瓊花觀

秦山楚水路  
迢迢不道瓊花亂  
俊瀉鸞背仙遊清  
夢遠月明誰度紫  
鸞慵

李龍眠畫雪中捕魚圖

五龍行空不成雨  
首船銀河落秋浦  
帝遣神工種白榆  
皓鶴飛來老鸕舞  
榜兒踏船依楚竹  
不釣齊璜餌荆玉  
波寒月黑大星稀  
萬斛驪珠豈勝掬  
夜闌賊素報麻姑  
桑下塵飛海欲枯  
何如去作蓬萊主  
五城不夜無寒暑

樓侍講題一竹

雲南卽事

五雲南國在天涯  
六詔山川景物華  
座歲中山標積雪  
納夷流水帶金沙

翠蛙鳴入雲中樹白雉飛穿洞口花獨有江南征戍客尋常清夢苦思家

別朝詩集卷二十二

二

# 列朝詩集

甲集第二十二  
補人

郭太學濟

濟字士淵寧海人伉爽不群與同里方希直為友而師事金華太史公洪武九年以諸生貢太學應詔上書論當時急務甚切召對忤旨令學于太學有伍人為學官與語不合証奏抵罪以死年三十三士淵上書時里人葉伯巨以太學生分救山西亦上言天下大計徵至京師而死伯巨亦豪士死亦無子天下皆惜之

柳枝詞

送郎西上別魂消却道纖身似柳條只恐別魂銷遠客柳條翻似阿郎腰

春閨怨

鳥驚殘夢隔窗紗起坐鈎簾看落花游子不歸春事晚鵲聲長日在隣家

林紀善溫

溫字伯恭永嘉人年二十餘擢進士歷左臺省右各官泰府紀善米芾濂

序其集稱其博極群書



送婁士建之官四川仁壽分韻得知字

見說蜀中天下奇一官萬里去何之雲連古棧驛車遠江遠盤渦入棹遲  
落日秋風神禹廟黃鸝碧柳武侯祠尋幽好賦聊筒酒縣令相過是故知

綿竹山人

宣德初有綿竹山人題詩于浦城黎嶺云云

山河形勝今猶在宮闕趨踏事已非真野風生雙虎關咸陽火起一龍飛  
傷心何忍聞黃詔稽首無緣見袞衣擊石獨懷千古恨仰天血淚不勝揮

萬州老僧

萬州海雲庵有老僧示寂衣上有詩

十年依佛國萬里走天涯舊主無尋處孤臣敢問家何心嬰組綬有血滴  
袈裟寒介魂應寂悲歌愧五蛇

葉主事見泰

見泰字夾仲臨海人以茂才舉于鄉王師取台州不褐造軍門謁其帥帥  
趣見語三日夜不休暑部從事下永嘉取閩廣皆有功奉使安南有功擢  
高唐州判官轉知睢寧縣終刑部主事有蘭庄集宋潛溪為之序弟惠仲

亦能文說二葉

古詩贈方希直

吾友方濟寧其人世希生有如炎燄之雪晴天之星平生特立不徇俗窮  
年矻矻惟究心乎義文周孔之遺經一旦起作郡卓然爲群教之怙特列  
牧之儀刑九原長往不可作使人思之泫然雙鴻零我言濟寧今不死濟  
寧有子字希直外焉才華已絕世內焉持敬恒惺惺往年我謁宋太史兄  
之坐右愛其風神秀發目光如月雙眉青太史文章擅中土東播諭若水  
西流入麓冷每稱希直稟間氣旁馳餘子猶以清渭臨濁涇太史猶巨鐘  
而我猶寸莛我誦蕪陋辭一一爲我側耳聽只今遠行不可覩送入樊籠  
仍剪芻我歸已五載俛首類拘囚每一念曠昔中心若生蟻今年希直忽  
相過使我酒淚如醉醒握手塵市中顧影兩蛉蜉雄文細字塞巨帙吐  
善述能爾弊振袂快讀不可了雅辭宏論開心局其顯迥雲漢其幽通窈  
冥際如戈甲積晉庫奇如盤曲鐃商銘麗如勾芒青春布花卉壯如隆豐  
白日驅雷霆千流萬派怒奔放終然帖帖趨東溟顧我歛退餘守口動如  
蠅今日得子文耽誦不暫停有如赤日途解渴得楚萍又如飛蠶腐忽阻

五侯歸瑣瓊彼何人題工月露形剗然周廷觀巨燦光影不復窺微燐  
哉希直執經太史門聞禮濟寧庭以文比行行益峻持以用世不啻如養  
生之緹粟濟疾之參苓胡乃避處東海裔坐閱勝朔彫蕘莫我欲其為不  
朽計姪鏐淬礪重發矧至音詎能秘錫管各和鈴直須上追虞書炮周惟  
豈肯下比秦管方魯駟予以作春秋之羽翼為禮樂之藩屏嗟哉載道器  
孰謂在世猶芻蕘上帝閱世詞斯文寧復下取勅六丁水為江漢星作斗  
鑄之金石垂千齡

洪武十年夏五月吉日

### 葉饒州砥

砥字周道改字履道上虞人洪武庚戌進士授定襄縣丞坐累謫涼州建  
文已卯起翰林編修陞廣西按察僉事永樂初以史事被遇籍其家惟故  
書數篋事白仍命與史事改考功郎中修大典為副總裁侍講東官郎中  
九年引年求去不許乞一小郡自效拜饒州知府年八十卒于郡解王文  
端誌其墓有坦齊集行世

### 送鄉友王俊傑南歸四首

獵獵霜風洒鬢華停車話別柳邊沙  
弟兄新講陽關戍老我先淹青海涯

天際朔雲分雁影江南春事迫梅花封題不了羈孤意二相煩說到家  
井來備述鄉間訊君去憑傳旅寓情世事紛紛秋後葉親知落落曉來星  
中年鬢怯風霜白先隴松憐雨露青妻子伶俜漂在念臨岐無怪太叮嚀  
白雲恨籍舊林丘旅泊天涯十五秋壯氣崆峒三尺劍浮生澗涘一扁舟  
酒酒無乃嘆伏櫪鬱鬱有如魚中釣造物倘於人借便掉頭卸却羈塵整  
故人喜自故鄉來便促歸程轉惱懷載雪擬過揚子渡望雲直指越王臺  
幾家喬木詢無恙諸老流風愧不才想到時春酒熟黃堂上壽觴開